

Handwritten text in a cursive script, likely a signature or a name, possibly "J. B. Smith" or similar, written in dark ink on aged, textured paper.



P V G N A  
SPIRITVALIS.

TRACTATVS  
VERE AVREVS:  
DE PERFECTIONE  
VITÆ CHRISTIANÆ.

*Olim Hispanicè à R. P. Ioanne Casta-  
niza monacho Benedictino Monasterij  
Onniensis professo editus, postea Ita-  
licè, Germanicè: ac tandem redditus  
Latine à R. D. IOD. LORICHIO,  
S. Theolog. Doct. & Profess. in Acad.  
Friburg. Brisgoia.*

*Editio nouissima ad exemplar Hispa-  
nicum autoris castigata, & aucta.*

*Evangelium Canabdu;  
Mons. Regy  
Ad DVACI, Paravia*

Ex Typographia .BALTAZARIS  
BELLERI, Anno 1625.



APPROBATIO.

**H**Ic liber cui titulus, PY-  
GNA SPIRITVALIS,  
tractans de perfectione vitæ  
Christianæ, in Latinum trans-  
latus, & antè latinè editus, de-  
nuò vtiliter excudetur. Actum  
Duaci 25. Maij 1612.

*Georgius Coluenerius S.  
Theol. Doct. & Profess. &  
librorum in Academia  
Duacena Censor & Visi-  
tator.*

*Bien. A. 1. 25*

P V G N A  
SPIRITVALIS.

S I V E  
DE PERFECTIONE  
VITÆ CHRISTIANÆ.

---

CAPVT I.

*Quibus in rebus perfectio Chri-  
stiana consistat: & de qua-  
tuor ad eam obtinendam ne-  
cessarijs.*

**D**ILECTE in Christo fili:  
sit tibi curæ ac cordi est,  
sublimitatem Christia-  
næ perfectionis assequi: ac

A. 2

cum

cum Domino Deo tuo vniri, vnusque cum eo spiritus efficere (quo sanè nec vtilius, neque præstatiùs diuiniusq; ab homine quicquã fieri excogitarique potest) scire te ante omnia oportet, quibus in rebus perfecta spiritualis vita consistat.

Sunt enim nonnulli, qui horum consideratione debita neglecta arbitrantur perfectionẽ hanc potissimum consistere in austeritate vitæ, hoc est carnis castigationibus, vsu ciliciorũ, ieiunijs, vigilijs, horumque similibus, asperis exercitijs, afflictionibusque corporis.

Alij vero, præsertim fœminæ, leuiter sibi persuadent, se  
in



# SPIRITVALIS.

in perfectione ista spirituali plurimum profecisse, si multas quotidie preces recitent, Missas plures audiant, frequenter confiteantur, sacramq; Communionem accipiant.

Sunt & alij non pauci, & inter hos etiam quidam Religiosi, in claustris degentes qui perfectionem hanc arbitrantur consistere in choro frequentando, in regularis silentij custodia, vita solitaria, reformata regulari disciplina, itaque alius in illo, alius in alio istiusmodi pio exteriori exercitio eam constituit: longè aliter quam se res habet. Tametsi enim exercitia illa ex-

teriora pia, multum ad istam spirituales perfectionem iuuent; non est tamen ea tota in istorum obseruatione constituta. Conferunt sine dubio ea exercitia, vt ijsdem se prudenter occupans, facilius obtineat gratiam Spiritus sancti ad superandam fragilitatem carnis suæ. Sed et muniunt hominem, armaturamque ei præstant aduersus insidias atque incursum communis, infestissimi que hostis nostri, ac tandem etiam profunt ad multa pietatis opera facilius sæliciusque præstanda; præsertim Tyronibus seu Nouitijs in hac spirituali palæstra.

Quin-

Quinetiam iam exercitatis  
 & confirmatis in illa spirituali  
 palæstra, afferunt fructus spi-  
 ritus multiplices: qui corpus  
 suum propterea affligūt quòd  
 Deum creatorem suum eo of-  
 fenderunt: & vt illud ad serui-  
 tium Dei adsuefaciant, Silent,  
 etiam atque in solitudine vi-  
 uunt, vt omnem peccandi oc-  
 casionem deuient, & absque  
 mundi huius impedimentis  
 tranquillius, fæliciusque me-  
 ditationibus cælestibus vaca-  
 re possint. Ad hæc deuoti &  
 attenti sunt in diuinis officijs,  
 exercent se frequenter in ope-  
 ribus charitatis, in precibus,  
 & frequenti sacra Commu-  
 nione;

nione; non aliam ob causam, quàm ob honorem ac gloriam diuinæ Majestatis, & vt per sanctam charitatem Domino Deo suo vniri valeant.

Qui verò in istiusmodi exterioribus exercitijs quiescunt, in ijsque suum finem constituunt; sæpè labuntur in graua pericula salutis suæ: non quidem propter ipsa exercitia exteriora (quæ suaptè natura bona sunt, & plurimorum sanctorum exemplis commendata:) sed quod dumtaxat attenti sint ad ista exteriora exercitia; hominem autem suum interiorem sinant naturalibus suis affectibus indulgere,  
& dia-



& diaboli laqueis innecti. Nā  
 vbi malignus ille hostis eos vi-  
 det in talibus exercitijs à recta  
 via aberrare; non solum finit  
 eos in ijsdem quietè, ac cum  
 iucunditate quadam pergere:  
 sed & habenas eis laxat; vt vi-  
 deantur sibi iamiam velut in  
 delitijs Paradisi ( quas pro va-  
 na sua persuasione leuiter ima-  
 ginantur ac fingunt ) obam-  
 bulare, Deumque in seipsis lo-  
 quentem audire. Vnde & in  
 meditationibus suis curiosis  
 atque profundis absorpti tan-  
 tam quandoque suauitatem,  
 iucunditatemque experiun-  
 tur, vt se putent à mundo,  
 omnibusque creaturis sejun-  
 ctos,

ctos, & velut extra se in tertiū  
vsque cœlum raptos.

Sed quàm grauitè hi om-  
nes semet decipiant, quàmque  
longè à vera perfectione ab-  
errent; ex reliqua ipsorum vi-  
ta haud difficulter potest iu-  
dicari. Sunt enim vt pluri-  
mum homines singulares cu-  
riosi, & in vitam, moresque a-  
liorum oculati censores, con-  
traque eorundem facta, mur-  
murantes. Et cum ipsis ali-  
quid errati obijcitur; vel à so-  
litis suis exercitijs (quæ ex ari-  
da potissimum consuetudine  
factitant) nonnihil impediun-  
tur: aut ordinaria eis commu-  
nio negatur; confestim videris  
eos

eos iracūdia incensos, inquietos, desperabundos.

Quid si etiam Deus ( vt eos ad veram sui cognitionem reducat ) infirmitatem aut tribulationem quampiam eis immittat aut obuenire permittat ( huiusmodi enim nunquam nisi diuina annuente voluntate cuiquam cōtingunt, & sunt quasi lydius lapis quo fidelitatem seruorum suorum Deus probare solet ) mox deprehendere licebit, quam falso in suis exercitijs corporalibus nitantur fundamento, quam corrupta habeant viscera quantaque in eis lateat superbia. Nollunt enim suam voluntatem,

in omnis generis euentis, prosperis pariter & aduersis, proutè resignare, nec seipsum sub potenti manu Dei humiliare: Nedum ad humilis atque afflicti eius filij exemplum se omnibus etiam creaturis humiliter subijciant, inimicos suos ut veros amicos aestimantes, & ut diuinæ bonitatis instrumenta, cooperatoresque salutis ac veræ reformationis, mortificationisque ipsorum, colentes. Quod sane euidentis indicium est, grauissimi in quo versantur periculi. Corrupti enim sunt oculi mentis ipsorum, ut videntes opera sua exteriora (etiam si bona) mox nescio quos



quos perfectionis gradus sibi arrogent : indeque in superbiam lapsi, alios temere iudicent atque despiciant, nec est qui eos ad sanam mentem reducat, nisi Deus eorum corda fortiter feriat, mentisq; tenebras lumine suæ claritatis dispellat, vt laqueos quibus innexi sunt, conspicientes, effugium quærere possint : Facilius namque conuertatur magnus peccator manifestus, quam simulatus iustus qui palio virtutis latentem iniquitatem celat.

Vides ergo, dilecte fili, satis manifestè: perfectionem spirituales in prædictis operibus

ac persuasionibus nullatenus  
consistere. Scias autem in nul-  
la realia eam positam, quam in  
vera cognitione ineffabilis  
bonitatis & magnitudinis di-  
uinæ: & in nostræ vilitatis, mi-  
seriæ, nullitatis, affectuumque  
nostrorum naturalium ad om-  
nem malitiam procliuum, ve-  
ra agnitione: Itemque in vero  
odiostrarum personarum,  
& amore Dei: tandemque in  
nostræ propriæ voluntatis ab-  
soluta abnegatione, eiusdem-  
que in diuinam voluntatem  
resignatione. Scilicet vt homo  
se totum, non solum omnipo-  
tenti Deo, sed & propter ipsū  
omni etiam creaturę subijciat:  
& hoc

SPIRITVALIS. 15

& hoc nullam aliam ob causam, quam vt faciat, quod placitum est coram Deo ; cuius Majestati vt ab omnibus purè seruiatur, omnisque honor, laus & gloria tribuatur, longè dignissimum est.

Hæc est abnegatio illa, quâ Saluator noster Christus sæpius inculcauit. Hæc est illa vera obedientia, ad quam Dei filius, verbo & exemplo, suos fideles seruos inuitat ac dirigit. Hæc est desiderabilis Crux, quam fideles serui humeris suis imponere, & sic Christum Dominum suum sequi debent. Hæc illa dilectio, quam Dominus noster toti mundo, discipu-

cupulisque suis ut amicis & filiis, tam frequenter & præcipue post nouissimam Cœnam, pedumque lotionem, serio demandauit.

Itaque dilecte fili, si sublimitatem tantæ perfectionis uolueris assequi; vim tibi facias oportet; & studeas teipsum in omnibus affectibus tuis, tam leuioribus, quam grauioribus, semper vincere, animumque tuum ad hanc pugnam diligenter instruere atque armare. Etenim corona huius certaminis, nulli datur, nisi legitimè ac strenuè certauerit.

Sicut enim inter omnia certamina hoc (de quo agimus)  
ma-



maximum ac difficillimum est:  
 ita & victoria ex eo reportata  
 longè gloriosissima gratissima-  
 que Deo est: adeò vt si inordi-  
 natos tuos affectus, etiam le-  
 uissimos, superaueris, concul-  
 caueris, mortificaueris, exci-  
 deris; multò gratius obsequiũ  
 Deo præstiturus sis, quàm si  
 eis neglectis vltro teipsum vs-  
 que ad sanguinem flagelles,  
 vel more antiquorum arctissi-  
 mè ieiunes, aut multa infide-  
 lium vel peccatorum millia, ad  
 fidem Christi; pœnitentiam-  
 que conuertas: Tametsi enim  
 Dominus Deus noster, con-  
 uersionem animarũ plus amat,  
 quam propriæ voluntatis tuæ  
 in

in leuioribus rebus abrenun-  
tiationem ; nihilominus hoc  
te solū ac præcipuè velle age-  
reque oportet, quod ipse abs  
te vult fieri. Atque sine dubio  
plus Deo placebis si teipsum  
in mortificatione tuorum af-  
fectuum seriò occupes; quàm  
si cum inordinato aliquo affe-  
ctu, etiam ingentia, ac quan-  
ta fieri possunt negotia, pre-  
stes.

Cum ergo, dilecte fili, in-  
telligas quibus in rebus perfe-  
ctio Christiana consistat : &  
quod ad eandem obrinendam  
te in continua ac graui pugna  
sempervictorem esse opprteat.  
Par est vt tanquam strenuus  
miles

SPIRITVALIS. 19  
miles Christianus te quatuor  
rebus veluti armis necessarijs  
munias quibus in hac spiritua-  
li palæstra victor euadas.

- Scil.* { 1. Diffidentia de teipso.  
2. Confidentia in Deo.  
3. Iugis exercitatio.  
4. Deuota oratio.

De quibus armis, auxilian-  
te Deo, deinceps ordine, bre-  
uiterque tractabimus.

## CAPVT II.

*De diffidentia sui ipsius.*

**D**iffidentiam tui ipsius, tri-  
bus medijs tibi compa-  
rare

rare poteris: quorum primum,  
ut agnoscas, verè intimeque  
cōsideres extremam vilitatem  
ac miseriam tuam: simulque a-  
pud te certò statuas, nihil pror-  
sus te boni ex teipso facere vn-  
quam posse. Etenim homo ad  
faciendum opus bonū ac meri-  
torium apud Deum ex seipso,  
non aliter impeditus est (ut ita  
dicam) atque grandis lapis ad  
motum sursum. Et eādē pro-  
pe inclinationem habet homo  
ad malum, quam grandis la-  
pis deorsum ad terram.

Alterum medium est, ut hāc  
tui diffidentiam, quoniam so-  
lius Dei donum est, humilibus  
& ardentibus precibus ab ipso  
effla-



efflagites. Sed prius apud te  
statuas vereq; agnoscas oportet,  
te eadem prorsus destitutum  
esse, nec vñquam per te  
ipsum eam posse acquirere; vt  
sic totus nudus, fide constanti  
ad Deum accedas: beneq; spe-  
res ipsum orationem tuam be-  
nignè exauditurum, & quam  
optas tui ipsius diffidentiam,  
copiosè largiturum. Oportet  
tamen orationem hanc de die  
in diem fieri ardentiorē:  
atque in eadem perseveran-  
do æquanimiter expectare, do-  
nec diuinæ prouidentię placi-  
tum sit, istam tibi tui ipsius dif-  
fidentię gratiam clementer  
tribuere. Hoc si feceris, nihil  
dubi-

dubites, eam te aliquando cōsequuturum.

Tertium medium, vt si quādoque lapsus fueris in peccatum, protinus mentis tuæ oculos, ad iam dictam vilitatem, miseriam, & ad faciendum bonum impotentiam tuam conuertas. Nisi enim eam intimè in te agnoscas, sincerèq; confitearis, numquam à lapsibus securus eris.

Quicumque enim se cum increata veritate vniri desiderat, huic sui ipsius vera intimaque cognitio omninò est necessaria. Deus quippe homines superbos ac præsumptuosos sinit quandoque in graue aliquod

quod peccatum incidere: vt ad propriam vilitatem, fragilitatemque suam agnoscendam eos flectat ac deprimat. Et quantò cuiusque superbia maior minorue fuerit; tantò grauius etiam aut leuius eum Deus labi permittit: vsque adeò, vt si nulla in homine superbia (sicut in Deipara Virgine Maria) esset, nunquam eum Deus in peccatum labi permitteret.

Propterea mox vbi in peccatum aliquod lapsus fueris, festina cogitationibus tuis ad humilem agnitionē tui ipsius, & ardentibus precibus incessanter Domino Deo tuo supplica,

plica, vt verum tuæ menti lumen infundat, ad agnoscendam infirmitatem, miseriamq; tuam: sic te deinceps à grauioribus lapsibus benigne seruare atq; defendere dignabitur.

## CAPVT III.

*De confidentia in Deo.*

**E**ST quidem in hac pugna spirituali, diffidentia sui ipsius vehementer necessaria, & longè vtilissima, vt dictum est: nihilominus si ea sola instructi in aciem ingressi fuerimus; mox aut victi succumbemus, aut turpi fuga elabendum erit.



erit. Quamobrem suscepta tui-  
 ipsius diffidentia, mox ad Do-  
 minum Deum tuum confu-  
 gias, & pia confidentia ipsi  
 supplicans, omne bonum &  
 auxilium ab eo patienter ex-  
 pecta. Qua in re etiam tria te  
 seruare oportet.

Primò namque auxilium ta-  
 le ab ipsius Domini tui summa  
 maiestate humilibus ardenti-  
 busque precibus instanter pe-  
 tendum est.

Deinde frequenter ocu-  
 los mentis tuæ ad ipsum con-  
 uertens, intimè contempla-  
 beris eius omnipotentiam,  
 infinitamque Sapientiam: ut  
 cui nec impossibile quicquam

B

sit,

fit, neque graue: Cuius bonitas immensa ac interminabilis, quæ ineffabili desiderio semper parata ac prompta sit, cuncta nobis copiosè largiendi, quæ ad spiritualem vitam, atque ad victoriam ab hostibus reportandam, sint necessaria & vtilia.

Quomodo enim fiet, vt diuinus ille ac optimus Pastor, qui post perditam ouem, totos triginta tres annos anxietate maxima cucurrit: eamque magnis, multisque clamoribus vsque ad raucedinem, ad se reuocauit: itemque per salebrofam ac spinosam viam ita quaesuit, vt sanguinè etiam suum  
pro-

propterea fundere, vitamque  
 amittere debuerit: quomodo  
 fiet, inquam, ut is benignissi-  
 mus Pastor, suos misericordes  
 oculos, ab oue illa perdita iam  
 ad ipsum clamante, Pastorem-  
 que suum anxie quærente, a-  
 uertat auresue suas benignas  
 ad eius clamorem obturet.  
 Quomodo, quæso, promif-  
 sionis suæ obliuisci poterit, ut  
 eam non suscipiat in humeros  
 suos, festumque exultationis  
 cum Angelis suis in cælis, su-  
 per ea reducta non celebret?

Aut quis vnumquam credat,  
 Dominum Deum nostrum, qui  
 magno desiderio cupit habita-  
 re in cordibus nostris, in ijsq;

nobiscum conuiuari: & ad distribuendos suos cælestes thesauros, ianuam cordis nostri continuè pulsat: cum velle aures suas occludere, suumque accessum negare, tunc cum homo iam cor suum ipsi aperit, ipsumque ad conuiuandum in eo, humillimè ac enixissimè inuitat?

Terriò ad acquirendam confidentiam in Deo solo, requiritur frequens meditatio veritatis sacrarum Scripturarum: quæ multis in locis manifestissimè nobis testantur, quòd confidentes in Domino Deo nostro, numquam confusi sint.

Est



4. Est præterea adhuc modus alius, quò & suiipsius diffidentiam, & in solo Deo confidentiam homo potest acquirere: Scilicet, vt in omnibus operibus tuis, priusquam aliquod incipias; teipsum cogitationibus tuis ad considerationem tum fragilitatis tuæ, tum omnipotentiae bonitatisque Dei conuertas: dein operari incipias.

Hunc ordinem nisi in operibus tuis diligenter obseruaueris, sæpè deprehendes te deceptum, cùm putares te cum magna in Deum confidentia opus suscepisse. Quia præsumptio atque superbia tantopere

adhærent ac infixæ sunt homi-  
ni, vt in tota vita sua ab ijsdem  
vix expurgari valeat. Sic ergo  
actiones tuas ordinabis, vt  
consideratio fragilitatis, vili-  
tatisque tuæ, simul & diuinæ  
omnipotentia ad te iuuandum  
promptissima, opus ipsum an-  
tecedat.

Præterea attende sedulo, ne  
te ipsum decipias: sæpe enim  
tibi videbitur, te diffidentiam  
tui ipsius, & confidentiam in  
Deo iam assecutum esse: cum  
tamen adhuc longè aliter af-  
fectus sis. Quod ex tui animi  
moribus, si quandoque laba-  
ris, facile cognosces. Nam si  
lapsus, in te tristitiam ac in-  
quie-

quietudinem excitet, atque de  
 progressu bonorum operum  
 te velut desperare faciat: cui-  
 dens signum est, te in teipso  
 solo, & non in Deo confidere.  
 Et quantò hæc in te ipso con-  
 fidentia ac desperatio maior,  
 minorue fuerit: hoc quoque  
 maior, minorue in te erit tua  
 de teipso diffidentia, & in Deo  
 solo confidentia. E contrario,  
 si veram de teipso diffiden-  
 tiam, & in Deo solo confiden-  
 tiam in te habueris: non mag-  
 noperé miraberis lapsus tuos,  
 non multum propterea trista-  
 beris, neque anxius eris: quo-  
 niam agnoscis illos ex tua fra-  
 gilitate cōtigisse: proptereaq;

non minuent in te confidentiam in Deum solum. Irasceris quoque tibi propter eosdem lapsus corde contrito, non ob aliam causam, quàm quòd Dominum Deum tuum offendisti. Hæc agens, diffidentiam de teipso magis ac magis in te excitabis, & confidentiam in Deum simul augebis: vnde paulatim in te accendetur vehemens zelus, obtinendi in suscepta spirituali pugna victoriam, omnesq; hostes tuos vsque ad internecionem persequendi.

Quod equidem vellẽ quosdam homines spirituales diligenter attendere: qui cùm aliquando



quando in defectus incidunt, valdè impatientes redduntur. Ideoque nec quiescunt, donec ad Patrem suum spiritualem seu Confessarium veniant, ut suæ potius anxietatis quodpiã solatium accipiant, quam ob alias pias ac rectas causas: cum tamen ad eum ideo solùm deberent accedere, ut à commissis peccatis per absolutionem expurgarentur: & per sacræ Communionis sumptionem, spirituale quoddam robur cōtra hostes suos acquirerent.

## CAPVT IV.

*De exercitatione: & primum de intellectu: & quomodo ab Ignorantia & Curiositate custodiendus sit.*

**I**VVANT quidem multum in pugna spirituali, diffidentia sui ipsius, & in Deo solo confidentia: vt haecenus ostendimus: at sola non valent ad obtinendam victoriam, neque ad firmam hominis à lapsibus custodiam. Idcirco præter ista duo, ad pugnam hanc etiam necessaria est EXERCITATIO, quam superius tertium genus  
ar-

armorum spiritualium statui-  
mus.

Exercitatio autem hæc po-  
tissimum consistit in recto ac  
pio vsu intellectus & volun-  
tatis hominis.

Et primùm quidem intelle-  
ctus sedulò custodiendus est à  
malis duobus: Ignorantia, &  
Curiositate. Ab Ignorantia,  
quòd intellectum oporteat  
esse purum ac lucidum, vt co-  
gnoscamus quæ nobis ad su-  
perandas passiones affectusq;  
nostros sint necessaria.

Lumen autem quo intelle-  
ctus ad ista cognoscenda illu-  
stratur, duobus medijs acqui-  
ritur.

Prius

Prius ac præcipuum est oratio: vt intimis suspirijs inuoces ac ores Spiritum sanctum, pro infusione luminis huius in animam tuam.

Posterior est quotidiana exercitatio, vt omnes res, actiones atque negotia tua accuratè profundèq; consideres: non solum secundum exteriorem aspectum, sed potius in seipsis verè ac intimè. Nam si in hac consideratione te aliquandiu sedulò exercueris, facilè deinceps intelliges quæ res & actiones bonæ aut malæ sint: quæ item verè bonæ, & quæ exterius dumtaxat appareant esse bonæ. Et hæc quidem posteriores,



riores, multa ac splendida bona foris promittunt, sed nihil re ipsa præstant, nec vllam menti nostræ quietem afferunt.

Quamobrem, dilecte fili, attende diligenter ad ea quæ tibi iam sum dicturus: multum enim te ad feliciter pugnandum iuuabunt. Itaque vt naturam ac proprietates rerum omnium quæ nobis quotidie occurrunt, rectè intelligas, fac sedulò vt voluntatem tuam puram ac liberam serues ab omni motu, affectu ac amore, qui non diriguntur aut in Deum ipsummet, aut in media quæ adducunt ad eum.

C

Nam

Nam vt intellectus bonum à malo rectè queat discernere, necesse est vt id faciat priusquam voluntas aliquod eorum eligat vel reprobet. Tunc enim adhuc purus est, vt haud obscure possit cognoscere quid bonum verè sit, quidue malum. Posteaquam autem voluntas in rem aut opus quodpiam consentit: mox impeditur intellectus, vt istud verè cognoscere non possit: voluntatis quippe consensus interueniens, rem aut opus istud vsque adeò inuoluit atque obscurat: vt intellectui longè melior atque splendidior foris appareat, quam reuera sit. Et si  
eam

eam sic voluntati repræsentat, fit vt maiori desiderio eam prosequatur atque perquirat, siue in seipsa verè bona, seu mala fuerit. Et quanto voluntatis desiderium aut amor ardentior est, tanto crassius intellectum obnubilat: Is deinde sic deceptus, voluntatem ad eandem rem magis amandam inuitat. Vnde accidit vt hæ duæ præcipuè potentia in hominis anima, tantopere decipiantur ac seducantur, vt subinde ex his tenebris, in alias, & ex hoc errore in grauiorem dilabantur.

Proinde diligenter caueas, ne rem aut opus quodpiam ap-

petas amesque, nisi prius adhibitis, intellectus examine, & oratione, ad Deum pro gratia illuminationis, ad istud verè cognoscendum, sitne bonum, an malum. Atque hoc non solum in omnibus alijs rebus, operibusque faciendum, sed & in pijs ac sanctis, quia licet hæ posteriores in seipsis bonæ sint; potest tamen contingere, ut propter circumstantias temporis, loci, multitudinis, aut obedientiæ, tibi bonæ non sint. Vnde sæpe factum, ut multi suorum laudabilium piorumque laborum, graue passi sint naufragium.

Intellectum tuum etiam diligenter



ligenter continebis à curiosi-  
 tate : ne quid hauriat , quod te  
 ab obtinenda in hoc prælio  
 victoria impediatur. Curiosa e-  
 nim disquisitionis rerum terrena-  
 rum, quæ tibi necessaria non  
 sunt , Venenum est animæ,  
 etiam si quandoque permissum  
 sit eas scire. Contineas ergo  
 intellectum tuum quatenus  
 poteris, & coneris eum redde-  
 re insipientem. Nouitates, mu-  
 tationes in mundo magnas aut  
 exiguas; si ad te nihil attinent,  
 animo exclude. Et quoties ea  
 audire aut spectare oportet,  
 semper in voluntate ijsdem  
 contradicito. Quinetiam in  
 cognoscendis rebus caelesti-  
 bus,

bus, humilem te semper ac  
sobrium exhibe: neque aliud  
quicquam scire desideres, quā  
Christum tuum crucifixum,  
eiusque vitam & mortem. Re-  
liqua autem omnia ab te re-  
pelle: sic facies Domino Deo  
tuo obsequium gratissimum:  
quoniam ipse inter amicos  
optimos numerat eos qui no-  
lunt scire plura, quā quæ  
eis necessaria sunt ad diligen-  
dam ipsius immensam boni-  
tatem, & seipsos odio haben-  
dos. Quoniam in omnium  
aliarum rerum notitia inqui-  
renda, latet proprius amor,  
& quædam pernicioſa super-  
bia.

Si

Si ergo te ab his diligenter custodieris, multas hostium tuorum insidias effugies. Etenim malignus ille spiritus attendens constantem voluntatem eorum, qui ad spiritualem perfectionem contendunt, ita ut non possit eos in aliquod peccatum adducere: callidè struit initio insidias intellectui ipsorum, ut paulatim in ipsum pariter & voluntatem obtineat imperium. Scilicet his qui docti sunt, ingenioque pollent; suggerit sublimes atque subtiles cogitationes, ut se iam putent cum Deo unitos esse; atque sic obliuiscantur sui ipsorum, nihilque cogi-

tent de emendatione conscientiarum, de propriæ voluntatis resignatione, & sui ipsius cognitione. Et hinc incidunt in laqueos superbiæ, fabricantq; sibi in intellectu suo quodpiam velut Idolum propriæ sapientiæ, in cuius consideratione tantopere se suis cogitationibus inuoluunt, vt aliorum consilijs se nullatenus indigere iudicent.

Huiusmodi sanè homines in graui versantur periculo, difficulterque curari possunt: quòd superbia intellectus periculosior multo sit, quàm voluntaris. Nam qui sola voluntate superbit, is non omittit obedire



dire quandoque, quia aliorum iudicia præfert suo, æstimatq; meliora. Qui autem superbit intellectu, atque apud se statuit, suam sententiam meliorem esse sententijs cæterorum, quis eum emendare poterit? Numquam enim se submitter sententiæ aliorum, dum putat se rectius sapere illis. Quippe si intellectus (qui animæ oculus est, quo superbiam in ea latentem, videre debet atque corrigere) ipsemet cæcus, omniq; superbia plenus sit: quis eum vñquam emendare poterit? Si lumen ipsum tenebræ sunt, ipsa que regula curua est, intelligis facilè quid inde se-

quatur, & quis eorum finis  
futurus sit. Tempestiuè ergo  
te huic superbix oppone, an-  
tequam occupet intima tua:  
& noli intellectui tuo habe-  
nas laxare; sed subijce eum  
consilijs, iudicijsque alio-  
rum: & fias apud te ipsum  
stultus propter amorem Dei:  
sic eris sapientior ipso sapien-  
tissimo rege Salomone.

CA-

## CAPVT V.

*De voluntate: de quæ fine in quem  
omnes actiones nostras de-  
bemus dirigere.*

**D**ILECTE fili, si optas vnus  
cum Deo fieri spiritus,  
non sufficit pia promptaque  
voluntas quodlibet bonum  
faciendi: nisi à Deo excitatus  
atque adiutus, totum quod  
agis, etiam ad beneplacitum  
honoremque ipsius retuleris.  
Qua in re nobis multum cer-  
tandum est cum natura nostra,  
quæ in omnibus actionibus,  
omissionibusque nostris; pro-  
C 6 prium

prium suum commodum aut complacentiam quærit, præsertim in bonis spiritualibus. In his enim vel maximè seipsam gestit querere. Vnde si ei quodpiam bonum, ad Dei beneplacitum accommodatum proponitur; promptè quidem illud agendum suscipit: at non propterea quod placeat Deo, aut ab ipso proueniat: sed quia nouit utilitates ac commoda quæ contingunt homini facienti voluntatem Dei.

Quamobrem vt ex hoc, diaboli laqueo te extrices, eumq; deinceps, tamquam perniciosum impedimentum in via perfectionis sedulò caueas: atque



que paulatim adfuefcas omnia agere aut omittere quòd Deus fic iubeat: ea que fola intentione, facias, vt ipfi placeas: ( qui omnium actionum nostrarum initium & finis effe debet. ) Idcirco ad ea, quæ tibi iam dicturus fum, diligenter attende.

Si occurrit tibi quidpiam faciendum, quod diuinæ voluntati congruit: non antea voluntatis tuæ confenfum ad illud, faciendum adhibebis, quam intellectum tuum in Deum intenderis? indeq; manifestè cognofcas, effe Dei voluntatem vt illud facias: & effe quoque voluntatem ipsius, vt

id facias dumtaxat propter  
ipſius honorem ac beneplaci-  
tum. Quodquē voluntas tua à  
diuina voluntate eò mouea-  
tur, vt iſtud opus hac intentio-  
ne & cauſa ſola facias, quòd  
ipſe Deus ſic velit, propter ho-  
norem ac gloriam ſuæ ſanctiſ-  
ſimæ Maieſtatis.

Similiter ſi quid per volun-  
tatem tuam vis omittere aut  
repellere tamquam inconue-  
niens diuinæ voluntati, non  
ſtatues illud apud te donec o-  
culum intellectus tui ( vt mo-  
do declaratum eſt ) in Dei vo-  
luntatem direxeris . Deinde  
obſerua te ipſum diligenter, ne  
decipiaris: quoniam videberis  
tibi

SPIRITVALIS. SI  
tibi sapè hoc, illudve agere  
aut omittere propter volunta-  
tem ac beneplacitum Dei: cùm  
aliud in te lateat. Natura enim  
nostra adeò occultè seipsam,  
in nostris studijs & actionibus  
quærit: vt quæ putas tibi ob  
soliis Dei amorem placere  
aut displicere; in ijsdem po-  
tius tuam vtilitatem solum  
spectes.

In principio itaque omnium  
actionum tuarum exclude ac  
repelle abs te quatenus pote-  
ris omnem intentionem, cui  
aliquid priuatæ vtilitatis ad-  
mixtū est: nec agere aut omit-  
tere quicquam incipias donec  
interius in animo tuo cogno-  
scas,

scas, solam Dei voluntatem ac beneplacitum te mouere & impellere, vt opus istud aggrediaris atque perficias.

Si autem otij ac temporis tantum habere non possis, vt ante vnumquodque opus faciendum, huiusmodi intentionem, causasque mouentes in te excites ac ponderes, cura saltem vt quando per diem dabitur occasio, huiusmodi intentionem in te suscites: scilicet, quod in omni actione & omissione tua, solius Dei beneplacitum, honoremque spectare velis ac quærere. In negotijs autem quæ aliquam temporis moram postulant, in-



intentio ista omninò & expressè ante principium eorum debet animo concipi. Quinetiam in negotijs quæ aliquandiu durant, isthæc intentio à principio vsque ad finem aliquoties iteranda est; ne post initium, alia fortasse intentio in animum tuum tacitè irrepat: utque sic effugias occultas fraudes naturæ tuæ, quæ nimium prona est ad quærendum commoda sua: adeò, ut tamen si bona, puraque intentione opus cœperis; ipsa tamen in operis medio istam tuam intentionem bonam inuertat, & seipsam, id est, pro honore Dei, suam quærat utilitatem

litatem ac honorem.

Omnis ergo Dei seruus; qui in hac difficili pugna non egerit vigiles excubias, sæpe opus bonum incipiet, cum intentione implendi voluntatem Dei, iuxta ipsius diuinissimæ Majestatis beneplacitum. Sed postea, priusquam animaduertat, opus istud ipsi tantopere propter seipsum placere incipit; vt voluntatis, gloriæ, ac honoris Dei prorsus obliuiscatur. Sensim quoque à proprijs oblectationibus, commodis, honoribus ( quæ ex isto opere percipit aut expectat ) vsque aded conturbatur, fascinator, abstrahitur; vt si Deus ipsum  
aut

aut per infirmitatem, aut per homines, aut modo quocumque alio ab istis priuatis commodis impediat; protinus vehementer conturbetur, tristetur, inquietus reddatur: valdeque difficulter seipsum reuocare possit, vt redeat ad primam intentionem suam, faciendi quod Deus iussit pro ipsius solius honore ac gloria.

Quam quidem intentionem valde sollicitè custodies in omnibus actionibus & omissionibus tuis. Vix enim credas quantum roboris, virtutis ac meriti ea afferat. Nam minima quoque & quantumlibet vilia opera, hac intentione (vt  
pla-

placeant Deo propter honorem nominis sui ) ab homine facta ; plus apud Deum valent atque merentur , quàm maxima quæque opera sine hac intentione præstita.

## CAPVT VI.

*De duplici voluntate in homine:  
& earum continua inter  
se pugna.*

**S**CIRE oportet te, dilecte fili, duas in nobis esse voluntates: alteram rationis, quæ & rationalis, & superior voluntas dicta est: alteram sensualitatis, quæ dicitur sensualis



lis ac inferior voluntas. Itemq;  
sensualitas, appetitus, concu-  
piscencia, caro, passio, & alia  
his similia.

Et licet vtraque hæc volun-  
tas in homine sit; tamen cum  
ob solam facultatem rationis  
homines dicamur ac simus,  
numquam aliquid voluissedi-  
ci, haberi que debemus; quod  
sola sensualitas appetit, donec  
superior voluntas nostra quæ  
cum ratione coniuncta est, in  
istud consentiat, ac pariter  
velit.

Ex hac varietate oritur vni-  
uersa nostra spiritualis pugna.  
Nam cum superior voluntas  
nostra ac ratio, media sit inter  
volun-

voluntatem Dei, quæ supra  
eam est, & sensualitatem, quæ  
sub ea est, ipsamque indefinen-  
ter ad malum tentat ac allicit:  
Idcirco vtraque & Dei volun-  
tas, & sensualitas nostra, con-  
tendunt voluntatem nostram  
ad suas partes pertrahere, &  
nunc quidem illa, nunc hæc  
eam sibi subijcere & obedien-  
tem reddere molitur.

Nihilominus omnibus ho-  
minibus, qui aut virtutibus  
verè sunt præditi, aut è con-  
trario in peccatis suis perseue-  
rant; pugna ista haud difficilis  
accidit: Qui enim virtutibus  
sunt præditi, hi postquam Dei  
voluntatem intelligunt, mox  
eidem

eidem consentiunt, obmur-  
 murantemque sensualitatem  
 compescunt. Impij autē con-  
 trà sensualitatis suę appetitum  
 sequuntur, & contradicen-  
 tem voluntatem Dei non au-  
 diunt. Sed illis, qui hætenus  
 quidem peccatis fuerunt dedi-  
 ti, nunc autem ea deferere, at-  
 que à mundi & carnis suæ deli-  
 tijs, (vt deinceps in amore ac  
 cultu Dei & Domini nostri Je-  
 su Christi, vitam piè transige-  
 re queant) semet proponunt  
 segregare: pugna hæc (ma-  
 ximè in principijs) satis diffi-  
 cilis accidit. Quoniam inte-  
 rior inspiratio ac pulsus, quem  
 ipsorum ratio supernè à vo-  
 luntate

luntate Dei suscipit: & graues contradictiones seu motus aduersantes, vel tentationes, quas infernè à sua sensualitate debet tolerare; vtrinque tam potentes sunt, vt ratio inde in graues redigatur angustias.

Nemo autem se feliciter pugnare arbitretur, Deoque dignè seruire, nisi probè instructus ac paratissimus sit ad æquanimiter tolerandos omnes dolores, quos ob derelictas priores suas voluptates transitorias perniciosasque in seipso experitur. Etenim inter alias hæc præcipua causa est, cur multi ad perfectionem veram non perueniant, quòd doloribus,



bus, quos in principio con-  
 uersionis suæ & derelictionis  
 prauorum affectuum ac desi-  
 deriorum, in seipsis præter  
 spem sustinent; nolunt resiste-  
 re, nec contra eosdem (quod  
 more truculentorum militum  
 per insidias ipsos inuadant) ra-  
 tionis gladio volunt pugnare:  
 sed potius miserè turpiterque  
 dant terga, armaq; abijciunt,  
 & in hostium manus, durius  
 deinceps tractandi denuò se  
 vinctos tradunt.

Et hinc deprehenditur qui-  
 dam valdè periculosus, nec  
 minus perniciosus dolus, quem  
 per pauci animaduertunt. Mul-  
 tos enim videre liceat, qui dum

D

vitam

vitam spiritualem inchoant;  
seipfos plus æquo diligentes,  
initio actiones suscipiant quæ  
ipsis præ alijs gratæ sunt: cum  
potius hanc vitam inchoare  
deberent à notitia naturalium  
affectuum ac desideriorum  
sensualitatis suæ: primumquæ  
contra ista certamen subire ac  
prosequi, donec rationis im-  
perio ea penitus, quatenus in  
hac quidem vita fieri potest,  
subiecissent.

## CAPVT VII.

*De pugna contra affectus sensualitatis: de quæ interiori exercitatione voluntatis ad comparandas virtutes.*

**Q**Uotiescumque ab appetitu sensualitatis tuæ te sentis tentari; confestim animum tuum veritas ad Deum, qui te sic excitat: quantumquæ vales repugna. Vt autem in hac pugna contra sensualitatem tuam victor euadas, varijs modis contra eandem te instrues.

Primò mox vbi tentatio à

D 2

sen-

sensualitate exurgit, fortiter eam repelles, ne superior voluntas seu ratio, in eam consentiat.

Deinde cum aliquam talem tentationem sic superaueris atque reieceris, denuò eandem in te suscite, & pari feruore vt antea eam repellas. Idemque; fac iterum, iterumque vt toties maiori zelo eandem abomineris, repellas, atque contemnas. Et hunc conflictum suscipies cum omnibus tentationibus, affectibusque inordinatis Sensualitatis tuæ, præterquam cum carnalibus: de quibus, dicemus inferius suo loco.

Postre-



Postremò assumes tibi exercitia virtutum illarum, quæ tentationibus vitiorum istorum aduersantur. Verbi gratia. Tentaris ab impatientia: cumque mentem tuam ad interiora reuocaueris, apertè cognosces, tentationem hanc impatientiæ incessanter pugnare, contendereque cum voluntate superiori seu ratione tua, ut eam pugna deterreat, & ad cōsensum pelliceat. Propterea tanto pertinacius rationis tuæ virtute eidem tentationi contradices ac repugnabis, ne in eam consentiat: atque ab hoc labore repugnandi non desistes, donec hostem in te senseris.

ris deuictum, ac tibi iam in captiuitatem traditum.

Sciendum tamen est, hostem nostrum, cùm nos huiusmodi passionibus ac desiderijs constanter viderit rebellare, perfida calliditate ab ijsdem suggerendis nonnumquam desistere: Quodque amplius est, si eas quandoque in nobis suscitatas conspiciat, mox iterum suppressit: ne, si frequentius rationis beneficio contra easdem dimicauerimus, istas nobis virtutes comparemus, quæ huiusmodi passionibus sunt contrariæ.

Quamobrem cautum te esse oportet, ne occasio acquirendi

rēdi virtutes, in te negligatur. Si ergo cum hoste inducias stauisti, & iam apud temetipsum quietus es; reuoca tibi ipsi in memoriam tentationes iam superatas & exclusas: simulquē & cogitationes malas quas ante illud tempus habuisti, in te instaure, atque erga easdem sic te geras, ac si consentire, ijsque victoriam velut cōcedere velles: simulquē diligenter attendas quænam argumenta, quasquē rationes hostis malignus tibi suggerat, ad quod malum te instiget, & quomodo eius prauis suggestionibus apud te cogites morem gerere. Cūquē inter hæc senseris cordis motus

in te ascendere & augeri: cogitationesque malas iam propè tibi dominari; adeò ut & ratio ipsa quasi consensisse videatur: tunc pedem mox retrahere, & magna vi suscita in te cogitationes bonas, istis malis contrarias, & quicquid hæ tibi mali suggererunt, audacter pernega. Et huiusmodi conflictum utrarumque cogitationum, toties, tamque diu in te renoues, donec sentias te iam totum te ipsum vicisse.

Sed præterea sciendū, etiam si hostes nostros fortiter pugnando, quod pium, iustumque est, superauerimus: nondum tamen nos ab eis securos esse,



esse, donec odio perfecto eos oderimus. Quod odium contra eosdem vt in nobis excite-  
tur, crescat, perficiatur: oportet eos, id est, nostros prauos affectus iterum iterumque in nobis suscitare, & ad certamen prouocare, vt subinde cum maiori indignatione ac tædio spiritus eos repellamus & abominemur, donec verum ac constans odium erga eosdē in nobis experiamur.

Vt verò animam tuam etiam ornare possis virtutibus, non sufficit te cum prædictis exercitationibus spiritualibus pugnare contra passiones, affectusque malos: sed oportet te  
quos-

quosdam etiam affectus bonos  
& exercitia virtutum, ijsdē pas-  
sionibus cōtrariarum suscipe-  
re, in ijsquē sedulò, frequenter-  
quē occupari. Hoc ferè modo.  
Siquis tibi causam dedit im-  
patientiæ: non sat erit, impa-  
tientiæ motus, iuxta præcedē-  
tem doctrinam superare ac re-  
pellere: sed optare quoque de-  
bes ac petere, vt ab eadem per-  
sona, quæ tibi molestiam intu-  
lit, denuò eodemquē modo sæ-  
pius turberis: quinetiam te-  
ipsum compelles, vt molestiam  
istam grata habearis: propo-  
situmquē concipies, huiusmodi  
molestias plures, ac grauiore  
deinceps sustinendi. Quodquē  
his

his amplius est, etiam coges te,  
 ut cū ea persona, quæ tibi mo-  
 lestiam, è qua ad impatientiam  
 concitatus es, intulit, aman-  
 ter, suauiterque loquaris, eiq;  
 in omnibus gratificandi, in-  
 seruiendi que promptitudinem  
 deferas.

Ac licet huiusmodi exerci-  
 tationes tibi valde difficiles  
 fuerint, tamque frigidè abs te  
 præstari videas, ut ipsemet de-  
 prehendas, eas contra volun-  
 tatem tuam à te fieri, nullate-  
 nus tamen eas intermites.  
 Quanquam enim difficiles tibi  
 sint, conseruant te tamen for-  
 tem & audacē in prælio; viam-  
 que parant ad victoriam.

Præ-

Prætereà attende tibi diligenter, vt non solùm contra graues ac vehementes tentationes, contraquæ manifesta scelera sic pugnes: sed & contra quaslibet leuissimas, minimasquæ inordinatas passionēs ac motus. Hi enim istis grauioribus fores aperiunt, viamquæ sternunt, vt nos incautos inuadant, & ad pessima quæquæ vitia sollicitent. Contingit enim his, qui leuioribus motibus seu tentationibus ad vitia, negligentius resistunt, vt postea frequēter & ex improviso ipsos inuadāt multo grauiores tentationes, & imperuosius quidem quam vinq̃uam antea.

Tan-



Tandem quoque tibi pugnandum est contra affectus & desideria rerum licitarum; honestarumque, quas scis tibi non esse necessarias. Inde seminum & exercitatio redderis in palæstra hac spirituali; & gratum Deo præstabis obsequium.

Dilecte fili, apertè tibi nunc dico, si iuxta præscriptos modos teipsum in hac spirituali pugna exercitaueris, futurum breui, ut adiuvante gratia Dei, totus spiritualis efficiaris.

Reliquas verò exercitationes, etiam si, tibi laudabiles videantur, tantaque cum suavitate ac dulcedine mentis abs te  
E fiant,

fiant, vt iam putes te cum crucifixo tuo Domino Iesu Christo familiariter velut colloqui: velim tamen tibi persuadeas, numquam istas delectationes te iuuare ad consequendam perfectionem spiritus.

Nam sicut vitia in nobis inde originem trahunt, quòd superior voluntas, seu ratio nostra, inferioribus affectibus sensualitatis morem gerit atque indulget: Ita è contrario generantur in nobis Christianæ virtutes, si voluntatem nostram sæpius diuinæ voluntati submittimus, ei que morem gerimus ac obtemperamus.

Et sicut voluntas nostra non  
po-

potest bona, Deoqué placens esse, ( quantumcumque bonas ac sublimes inspirationes à Deo accipiat, & ab eius voluntate ac gratia ad faciendum bonum impellatur ) nisi eisdem Dei operationibus in se consentiat : ita & eadem voluntas nostra numquam potest dici mala & aliena à Deo ( quantumcumque grauitè ac diu à sensualitate tentetur, turbetur, impellatur ) nisi eidem consenserit.

## NB. CAPVT VIII.

*Quid faciat, cui videbitur superior voluntas sua seu ratio, ab inferiori voluntate seu sensualitate, iam denicta, eidemque omnino subiecta.*

**D**I L E C T E fili, si tibi nonnumquam videatur voluntas tua superior seu ratio, in pugna contra sensualitatem tuam nihil efficere; quòd nulum efficacem motum contra prauos affectus in te deprehendas; noli turbari, sed viriliter persiste, constanter pugnare ne cesses. Nam quamdiu



diuratio tua se à consensu in  
 istiusmodi affectus sensualita-  
 ris tuæ cohibet: tamdiu tu ho-  
 stibus superior es in prælio,  
 meliora que eis obtines.

Non enim tibi necessum est,  
 vt omnes affectus ac motus  
 sensualitatis in te, rationis tuæ  
 imperio mox acquiescant: nec  
 in hoc nostra consistit victo-  
 ria, vt nullos prauos motus  
 sensualitatis in nobis sentia-  
 mus sufficit autem quod ratio  
 ac voluntas nostra ( quantum-  
 cumque sensualitas inordina-  
 tis motibus suis in nobis sæ-  
 uiat ) semper possit facere &  
 omittere, tractare, velle ac de-  
 siderare quodcumque, quan-

do, quomodo, quoties, & ex  
causis quibuscumque voluerit.  
Quinimò nec diabolus ipse,  
neque mundus totus volunta-  
tem hanc nostram vniquam  
cogere possunt.

Et licet nonnumquam eue-  
niant vt hostes tui ex improvi-  
so & cum tanto impetu ac vio-  
lencia in te irruant, adeò vt ra-  
tio tua tempus non habeat, co-  
gitationes ac exercitia pia, quæ  
istis violentis moribus repu-  
gnarent in seipsa suscitare:  
tantùm tunc vttere lingua tua,  
& dic: *Non, non credo tibi, No-  
lo te, Non consentiam tibi in  
hoc in æternum.* Sic, inquam, te  
tunc geras, sicut qui ab hosti-  
bus

bus suis exterioribus ex improviso obruitur. Is enim cum se capulo gladij tueri non potest, resilit aliquantulum ut locum & tempus habeat, gladium suum euaginandi, & hostem cuspidem petendi. Resilias ergo & tu, ut habeas tempus agnoscendi vilitatem tuam; videlicet quod ex teipso nullatenus possis superare: simulque spem atque fiduciam omnem collocandi in Deum qui potest omnia. Atque tunc validum ictum hosti inflige, dicens: *Domine adiuua me. O Deus meus succurre misero mihi. O Iesu. O Maria, dignissima mater Dei, fer opem periclitanti.*

Et si quid temporis habeas  
reliquum, poteris voluntatem  
tuam, ne vincatur, intellectu  
tuo, non nihil iuuare: confide-  
rando ea media, quibus ipsa  
voluntas tua contra hostes  
suos corroborari possit. *N* Vt si  
quandoque contingat re pro-  
pter aliquam tribulationem,  
gravi impatientia affici, adeo  
ut voluntas tua eam ferre aut  
dissimulare neque velit, neque  
possit: confestim suscipias se-  
quentes cogitationes.

Primum num aduersitatem  
hanc commerueris: & si inue-  
nis te eam commeruisse, aut  
causam ei dedisse; protinus  
quiescas animo nec porrò tur-  
beris:



beris: quoniam æquum, ac iustum est, vt vulnus, quod tuis ipse manibus tibi inflixisti, patienter sustineas.

Deinde. Si intelligis te aduersitati huic causam non dedisse, tunc conuerteres oculos mentis tuæ ad alia peccata tua, ob quæ Deus te nondum pro meritis castigauit, nec tu te ipsum hætenus vt debueras, afflixisti. Inde colliges: quod benignus ac misericors Deus, tibi vel pœnam æternā, quam in inferno, vel temporariam, quam in Purgatorio sustinere deberes; in hanc paternam ac mitem castigationem commutauerit. Proptereaque æquissi-

num esse, vt non solum placida mente sustineas, sed & pro tanto beneficio eidem gratias agas.

Tertiò, si tibi videbitur, te pro leuibus peccatis satis magnam duramque pœnitentiam egisse: (quod tamen numquam apud te statues: ) iterum cogita, neminem in regnum cœlorum posse intrare, nisi per angustam portam abnegationis sui ipsius, & patientiæ in varijs tribulationibus. Nam & Christus Dei filius, saluator noster, omnesque Sancti Dei per hanc solam viam ingressi sunt in cœlestem illam patriam.

Quar-

Quartò, etiamsi posses per  
 aliam viam intrare in regnum  
 cælorum, tamen charitatis iu-  
 re ac debito, istud nequaquam  
 optare debes. Nam filius Dei,  
 ex amore tui, & propter pa-  
 tientia exemplum, per spinas  
 & crucem ingressus est in glo-  
 riam suam.

Quintò apud te statues,  
 inter omnes meditationes,  
 quantumcumque pias, in qui-  
 bus te exerceri oporteat, vt vo-  
 luntatem tuam in his, alijs-  
 què euentis ac necessitatibus  
 tuis, quàm optimè confortes;  
 hanc præcipuam ferè esse, si  
 cogites quantum gaudium at-  
 que lætitiā capiat Deus,  
 E 6 quàm

quam celebrè festum agat,  
quàm largo te prosequatur a-  
more: si te videat nomine suo  
tam strenuè pugnare. Non po-  
test enim ipsi quicquam gra-  
tius abs te fieri, quàm si praua  
in te desideria mortifices ac  
eradices, & è contrario virtu-  
tum studia secteris: idque pro-  
pterea, quia scias ipsius hanc  
esse voluntatem ac benepla-  
citum,

CA-



## CAPVT IX.

*De occasione pugnae non fu-  
gienda.*

**D**ILECTE fili, omnibus ti-  
bi à me haëtenus propo-  
fitis medijs ad consequendas  
virtutes, addo tanquam me-  
moriale quodpiam: ne occa-  
siones pugnae tibi occurren-  
tes, metuas atque declines.  
Nam si virtutem quampiam  
(exempli loco, patientiam)  
consequi volueris: non expe-  
dit tibi, vt te segreges à perso-  
nis: veleas res (vt verba, ope-  
ra, cogitationes repellas aut

fugas ) quæ te ad impatientiam commouent. Non fugias, inquam sed potius opres, quæras, ames conuersationem ac societatem eorum, qui tibi molestias afferunt. Et quotiescunque tibi cum eis conuersandum est præpara te, tuamque voluntatem serua instructam atque paratam ad quasilibet tribulationes atque molestias, quæ ab eisdem tibi afferri poterunt, patienter suscipiendas sustinendasque. Hoc ni feceris, numquam assuesies ad consequendam patientiæ virtutem.

\* Similiter si te alicuius operis ræduerit, durumque nimis videat-

videatur: (propterea quod vel persona præcapiens tibi displiceat: vel quòd opus ex sese molestum sit: vel quòd per illud ab opere alio, quod faceres libentius, impediaris) nullatenus tamen opus istud intermitteres, sed præ cæteris omnibus exequeris, etiamsi te plurimum conturbet atque diuerxer. Tametsi etiam eius intermissio te denuò quietum, placidumque reddat; nequaquam tamen ab eo faciendo desistes. Sic enim magis magisque instructus fies ad assequendam virtutem patientiæ. Illa enim quies, quam tibi optas, non est recta ac vera, eò quòd  
non

non proficiscatur à corde puro, & ab omni inordinata passione libero.

Idem te moneo ac doceo de cogitationibus, animum tuum quandoque turbantibus ac contristantibus. Videlicet, ne eas vmquam à te in totum repellas, sed vt gratos hospites sedulò custodias: quia per molestiam quam afferunt hoc consequeris, vt omnes aduersitates æquo animo sustineas. Qui te autem, fili mi, docet aliter, is te potius fugere iubet in tribulationibus, quod à te pugnando quæritur: illam nempe virtutem, quã tu tibi ex victoria de hostibus exoptas.

Cæ-



Cæterum tyroni seu nouitio in hac spirituali palæstra, certamen hoc cum prauis cogitationibuscautè subeundum est. Proinde aliquando quidem pugnabit cum ijs, aliquando verò assumet alias: quatenus scilicet has aut illas sibi plus minusue intelligit prodesse ad acquirendas virtutes.

Numquam eiusmodi molestas cogitationes prorsus derelinquet aut fugiet; vt nihil inde turbationis, molestiæque in se sentiat. Etiam si enim per fugam earum, impatientiæ occasionem præcidat; nullam tamen in corde suo firmitudinem

nem inde nanciscitur aduersus impatientiæ motus insurgentes. Quo fiet, vt alias à satellitibus impatientiæ petitus ac territus facilè succūbat; quòd sibi de armis ad præliandum aduersus eosdem, non satis antea prouidit : id est, animum suum non imbuit cogitationibus, consilijsque seruandæ in omnibus aduersitatibus patientiæ. Et hæc quidem pugna non solum contra impatientiam, sed contra quælibet vitia vtiliter suscipitur, præterquam contra carnalia, de quibus inferius præcepta trademus.

## CAPVT X.

*De pugna aduersus subitas tentationes, passioneshue.*

**Q**VI necdum assuetus est subitas aduersitates atque molestias, placido vultu animoque suscipere; hoc ferè modo se assuefacere poterit. Nempe si eas intellectu suo diligenter considerauerit voluntateque desiderauerit experiri; semperque eas instructus atque paratus expectauerit.

Modus autem aduersitates istiusmodi per intellectum  
confi-

considerandi hic ferè est. Attende diligenter statum, vocationemque tuam, locum quoque & personas, vbi & cum quibus te quotidie oportet conuersari: sic cognosces facillè quæ tibi euenire possint, & quomodo animum tuum aduersus ea corroborare debeas; ne inordinatè turberur atque succumbat. Et si fortasse contingit alia tibi euenire quàm putabas; præter istam animi tui corroborationem ad illa æquanimiter perferèda; quam tua præparatio modo causauit: Huiusmodi etiam ratione te poteris iuuare.

Statim atque videris vel audieris



dieris te contemni, aut molestia, aduersitateque aliqua affici, etiam inuitus mentem tuam eleua in Deum eiusque immensam bonitatem, dilectionemque erga te considera: sic intelliges, ipsum esse præcipuam causam huiusurbationis, angustiaque tuæ, eamque propterea tibi immittere, vt doceat te eam propter amorem sui patienter sustinere, faciatque te sibi magis magisque appropinquare perfectiusque vniri.

Posteaquam autem sic cognoueris, esse diuinæ Maiestatis beneplacitum, vt calamitatem istam placidè perferas:  
tunc

tunc conuerte cogitationem  
tuam ad teipsum, incipiasque  
te arguere, dicens animæ tuæ:  
*Eheu, cur hanc abs te crucem  
abycere contendis, quam tibi  
non hic aut alius inimicus homo;  
sed dilectissimus, optimusque  
Pater tuus imposuit? His di-  
ctis, verte animum ad præ-  
sentem crucem seu calamita-  
tem tuam, eam saluta, lauda,  
amplexare, & quanta potes  
alacritate & gaudio in te sus-  
cipe.*

Quòd si etiam passionēs ac  
motus tam vehementes in te  
exurgant, vt non sinant te mē-  
tem ad Deum eleuare, sed &  
vulnerauerint te, & iam non-  
nihil

nihil superauerint: nihilominus perseueres tu in proposito tuo, ac si nullatenus superatus esses.

Verum inter alia remedia aduersus subitas ac inexpectatas turbationes, facilè præcipuum est, vt remoueas ab te causas, è quibus istiusmodi tentationes existunt. Vt si animaduertis, te ob amorem aliquius rei facile commoueri animo, si ab ea consequenda impediaris; cura vt amorem hūc erga rem istam animo tuo excludas. Si autem turbatio, vexatioque tua, non ab ipsa re, sed à persona, quæ eam tibi infert, aut procurat, exoritur; eadem-

eademque persona tibi tanto-  
pere inuisa est, vt etiam mini-  
ma quæque ab ipsa profecta, te  
conturbent; tunc remedium  
erit optimum, vt te ipsum, seu  
voluntatem tuam ad eam a-  
mandam compellas.

## CAPVT XI.

*De pugna contra carnem no-  
stram, eiusque praua  
desideria.*

**C**ontra hoc genus vitio-  
rum, dilecte fili, nouo  
quodam & priori contrario  
modo tibi pugnandum est.  
Sunt autem præcipuè ac sin-  
gula-



gulariter tria hic spectanda tempora: nimirum tempus antecedens, cōcomitans, & consequens ipsas tentationes.

Antequam ergo huiusmodi carnales tentationes in te exurgant, numquam cum eis pugnam suscipies: Causas tamen ē quibus oriri solent, diligenter vitabis & abscindes. Idcirco omnem conuersationem, quæ cum aliqua occasione ad has tentationes coniuncta est, fugias quantum poteris, tamen si tibi videatur leuissima. Non aspicias huiusmodi homines aut res alias lepidè, non salutabis eos amanter, neque manus eorum comprimes: sed

si quæ tibi cum aliqua tali persona tractanda sunt; ea graui-  
ter, festinanterq; perages: nec  
diutius cum ea conuersaberis,  
quàm sola ac nuda necessitas  
postulat.

Posthæc etiam vitabis o-  
tium: semperque te ipsum cau-  
tè obseruabis, ne quid cogites  
aut facias, quod statum tuum  
dedecet.

Tertiò obediens eris tuo su-  
periori in omnibus, ne vm-  
quam ei contradicas, sed facias  
quæcumque iusserit.

Quartò numquam temerè  
iudicabis proximum tuum de  
hoc vitio: & licet eius peccatū  
adeò manifestum sit: vt abs te  
non

non possit excusari; tamen cō-  
dolebis ei, omnemque iracun-  
diam & contemptum aduer-  
sum eum cohibebis: eiusque  
lapsum in tuam potius vtilita-  
tem conuertes: videlicet te  
ipsum humiliando, contem-  
nendo, ac sub terram vsque de-  
primendo: & præ timore con-  
tremiscens, Deum ardentis-  
simè ora pro custodia, ne & tu  
similiter tenteris atque laba-  
ris. Si enim tu alios iudica-  
ueris contempserisque, Deus  
te puniet magno tuo malo:  
videlicet permittendo, vt &  
tu in istud vitium prolaba-  
ris: indeque discas tuam su-  
perbiam agnoscere, ac te hu-

miliare: indeque cures superbiam istam in te suppressere, & excidere. Nam si superbus sis & non labaris, non leuiter de salute tua dubitandum est.

Quintò ac vltimò attendas diligenter, si aliquando per sensibilem gratiam in te, spiritualem aliquam consolationem quæsiueris, obtinuerisque, ne in ea tibi placeas: neue te inde meliorem iudices: nec putes te inimicos tuos deinceps non superaturos; sed semper sollicitus esto & time. Tempore concomitante tuas tentationes debes attendere num proueniant à rebus exteriori-



rioribus, an ab interioribus. In exterioribus numerantur conuersatio, colloquia, lectiones & studia, quæ ad huiusmodi tentationes irritant. Contra quæ omnia non est præsentius, vtiliusq; remedium quàm eorum intermissio ac fuga. Cum his enim tentationibus non est suscipiendum prælium sed longè fugiendæ sunt, ne mentem contaminent.

Interiores causæ existunt vel à corpore nostro, quòd nimis viuidum ac validum sit: vel à turpibus cogitationibus; quæ nunc à prauis moribus nostris, neglectaque sensuum custodia; nunc à diabolo in

nobis excitantur.

Causas quas corpus nostrum præbet ad carnis vitia, præcidere oportet ieiunijs, cilicijs, vigilijs, castigationibus, alijsque medijs asperioribus; quatenus unicuique sua ratio dictat, aut superioris autoritas mandat vel indulget.

Contra cogitationes autem turpes non sunt media utiliora, quàm oratio sancta, meditationes piæ, labores atque negotiorum tractatio, quæ statum tuum deceant. Meditationes autem tuas nolim te instituire de ijs rebus, quas plerique in suis spiritualibus libris

bris præscribunt volentibus hæc vitia superare & excidere: nimirum vt initio consideres carnalium vitiorum turpitudinem atque libidinem, quæ numquam queat exfatiari. Deinde grandem ignominiam atque pericula quæ cum ijsdem coniuncta sunt. Tandem amissionem famæ, bonorum temporalium, fauoris ac benignitatis: Itemque diuinæ gratiæ in præfenti & beatitudinis æternæ in vita futura. Tametsi enim huiusmodi meditationes bonæ sint, non conferunt tamen ad horum vitiorum tentationes superandas. Nam cū omnium iudicio, opti-

num statuatur contra hæc vitia remedium, fuga: idcirco fugere oportet quicquid vllam præbet turpibus cogitationibus occasionem. At in istis, quas dixi, meditationibus, vt intellectus se fatiget pro his vitijs derestandis, tamen cogitationes de ijsdem interea infigit memoriæ; vt vehementer timendum sit ne labatur in aliquam earundem delectationem.

Quamobrem insurgentibus tentationibus horum vitiorū, assume tibi porius meditationes de passione ac morte Domini nostri Iesu Christi. Et si tentationes eæ te in his etiam  
me-



meditationibus, contra voluntatem tuam infestent atque perturbent: aut quomodo-cumque te contra easdem armaueris; nihilominus semper nouam tibi molestiam, deceptionemque intentent; (quod tibi pariter vt alijs facile poterit euenire) nequaquam tamen pusillanimis eris, aut susceptas tuas bonas meditationes intermitteres: neque etiam cum istis te turbantibus cogitationibus vlllo modo cōtendas: sed constanter pergas in meditationibus tuis, & volitantes istas cogitationes turpes quasi ad te nihil pertineant, relinquas, atque exsibiles. Hoc enim vnicum,

cum, optimumque remedium est, impuras istiusmodi cogitationes superandi, quantumcumque indefinenter te diuexent ac obruant. Et caue ne vmquam cum illis disputes an consenferis in eas, nec ne: quoniam latet in hac quidam diabolicus dolus, qui sub hac specie boni cupit te illaqueare & inuoluere. Quod aliàs, vbi fueris quietior, & hæc tentationes te molestare cessauerint, cognoscere poteris facile à patre tuo spirituali. Cogitationes tamen istiusmodi tuas non intermites tuo Confessario expressè confiteri: nec te eius pudeat. Nam ad hostes nostros  
supe-

superandos valdè necessaria nobis est humilitas.

Quod attinet ad sanctam orationem; quæ pariter medium quoddam est contra hæc vitia carnalia, & alia; scire te oportet, eleuationem mentis in Deum, esse vtilissimam, semperque faciendam cum proposito orandi Deum pro victoria contra hos tuos hostes. Caueas verò, ne tentationes has, mentis tuæ cogitationibus corâ Deo explices, quasi ostensurus ipsi quæ sit tentationum tuarum malitia & iniuria. Nam ex earum commemoratione, facilis in delectationem de ijsdem lapsus est.

Et

Et hæc modo tibi in cautelam  
sufficiant.

Cum tentationes carnales  
iam te deseruerint, nequa-  
quam in animū induces tuum,  
deinceps te ab ijs fore liberum  
atque securum: sed continuè  
tui curam habeas, ne quid eo-  
rum, quæ tibi ad easdem ten-  
tationes occasionem præbent,  
in animum tuum admittas:  
etiamsi tibi fortè videatur cō-  
sultius cum ijsdem mente pu-  
gnare, propter alicuius boni  
operis ac virtutis exercitium.  
Nam in tali persuasione latent  
doli corruptæ naturæ nostræ  
& laquei diaboli ad inuoluen-  
dum animum, & pelliciendum  
ad



SPIRITVALIS. 109  
ad aliquam delectationem.

CAPVT XII.

*De pugna contra acediam, ne-  
gligentiam, pigritiam.*

**D**ILECTE fili, vt ab hoc  
pernicioso vitio tutior  
esse possis; omnem tuam indu-  
striam, diligentiam viresque  
impendas, vt bonis inspiratio-  
nibus locum apud te prompta  
voluntate concedas, omnem-  
que terrenam consolationem,  
curiositatem, & superflua ne-  
gotia, quæ tuo statui non con-  
gruunt, declines.

Cumque pro eo qui in hoc  
G Ace-

Acediæ vitium lapsus est, non inueniatur remedium præsentius, quàm operari bonum, à quo tamen ipse, vt piger ( qui molestiam ac fatigationem potius, quàm fructum laboris considerat ) omnino abhorreat: Idcirco bonum istud sæpe mente versabit, sibi que planè persuadebit, vnicam mentis eleuationem in Deum, vnicamque genuflexionem, propter nomen ipsius factam, maioris valere, quàm cunctos thesauros totius mundi. Fatigationem vero ac molestiam, cum labore coniunctam, adeò apud seipsum occultabit, vt longè minora, leuioraque appareant,

## SPIRITVALIS. III

pareant, quàm reuera fuerint:  
Ut si tibi quandoque vacan-  
dum sit pijs meditationibus  
vnica hora tota; idque tuæ pi-  
grietiæ nimis diuturnum, atque  
molestum videatur: pio dolo  
tuo corpori persuadeas, tan-  
tùm dimidiatum quadrantem  
vnus horæ te huic labori vel-  
le tribuere, moxque cessare.  
Quæ mora vbi transierit, ite-  
rum corpori tuo persuadeas,  
vt paulò diutius sustineat, tunc  
te cessaturum: idque toties re-  
petas, donec hora tota tran-  
sierit, sicque pigritiam tuam  
facile excuties.

Si autem in teipso experia-  
ris, corpus tuum laborẽ huius-

modi ferre non posse; licebit  
tibi eundem differre in aliud  
tempus, donec paulatim as-  
suefeceris corpus, vt maiori  
alacritate ac feruore deinceps  
se ad istos pios labores accom-  
moder.

## CAPVT XIII.

*Quomodo sensualitatem suam  
homo regere debeat.*

**D**ILECTE fili, hoc age quàm  
attentissimè, vt sensuali-  
tas tua, per quam diabolus in-  
gredi solet in te, sit Ianua vera  
ac patens, per quam ad te ve-  
niat Deus tuus. Et quando tibi  
cum



cum aliqua terrena creatura  
 quidpiam negotij est, noli ei-  
 dem corde adhærescere, sed le-  
 ua oculum mentis tuæ ad  
 Deum tuum, qui in creatura  
 illa, tanquam in opere suo, la-  
 tet absconditus. Deinde exci-  
 ta in te quoque memoriam  
 Dei, & cogita quòd idem ipse  
 Deus, etiam in te sit: atque  
 tunc cum ipso sic loqui inci-  
 pias. O clementissime, sempiter-  
 neque Deus meus, tu mihi semper  
 præsens ades, & penitius quam  
 ego mihi met ipsi præsens sum: &  
 ego non confundor tam obliuio-  
 sus & ingratus tibi esse, ut tui  
 numquam meminerim: neque te,  
 ehen, diligam & colam ut debeo.

Alias quoque cleua intellectum tuum, & contemplare summam, incomprehensibilemque perfectionem Dei, & lætare in bonis, diuitijs, beatitudine ipsius abundantius, quàm si tua solius essent omnia. Exulta quoque gaudio maiori quod ipse sit Deus incomprehensibilis, cuius Maiestatem peruestigare nequeas, quàm si eandem comprehendere, intelligereque posses. Porro si in creatura aliqua rationali obferuas quandam perfectionem virtutum & dona nonnulla, quæ ipsi à Deo benignè donata sunt; (vt sapientiam, intellectum, pietatem, iustitiam, & simi-

similia: ) non considerabis ea  
 ut sunt in homine hoc, sed re-  
 ducito ea ad Dominum Deum  
 tuum & dic: *Deus meus, ecce hi  
 sunt rivuli, qui ex te vero ac vi-  
 vo, aeterno, increato fonte dima-  
 nant: hæ sunt merces inexhau-  
 sti maris bonitatis tuæ ineffa-  
 bilis.*

Si autem te sentis ob pul-  
 chritudinem alicuius creaturæ  
 ad complacentiam allici, pro-  
 tinus cogitationes tuas à ter-  
 rena pulchritudinis specie e-  
 leua ad pulchritudinem cæle-  
 stem, in eaque sola te oblecta  
 & dic: *Deus meus, quando ve-  
 nient dies, ut in te solo queam  
 delectari?*

Aliud remedium pro custodia ab inordinata delectatione in creaturis, sit hoc. Cum te sentis ab re quapiam ad complacentiam, oblectationemque allici, confestim cum intellectu tuo pondera quam dolosè infernalis serpens (qui nil aliud quærit quàm ut animam tuam aut occidat, aut saltem lætaliter vulneret) sub ista oblectatione lateat absconditus. Proinde ubi hoc deprehenderis, audacter dicito: *Maledicte serpens, quam callidè hic lates absconditus, ut me tuo veneno inficias?* Et mox eleua mentem tuam ad Deum, dicens: *Benedicta sit bonitas Dei*



*Dei mei in æternum, quia mihi  
hostem hic latentem, animæque  
meæ dolosè insidiantem, tam be-  
nigne detexit.*

In rebus verò quæ sensua-  
litati tuæ aduersantur, dolo-  
remque afferunt, ita te ferè ex-  
ercitabis. Vbi eidem tuæ sen-  
sualitati durum quid perferen-  
dum occurrit (vt æstus, fames,  
ægritudo; plagæ & similia;) eleua mentem tuam ad volun-  
tatem illam æternam, cui ab  
æterno ita placuit, & à qua  
tunc quoque decretum fuit, vt  
tu hanc aut illam calamitatem,  
hoc tempore & tanto cum do-  
lore patereris, sicut nunc pa-  
teris. Idcirco ex cordis tui iu-

G s cundi-

cunditate apud teipsum hæc  
dicito. O sempiternæ, dilectissi-  
meque Domine Deus meus, iam  
tua in me impletur voluntas, qua  
tibi ab aeterno placuit, ut hoc eo-  
dem tempore, & tali modo, men-  
sura, numero mihi euenirent, quæ  
nunc sustineo: atq; id totum pro-  
pter honorem ac gloriam tuam,  
& animæ meæ salutem. Scio enim  
quod numquam ea mihi euenire  
permisisses; nisi ad gloriam tuæ  
maiestatis illustrandā, & meam  
salutem plurimum conferrent.

Similes quoque cogitationes  
tibi facies cælo turbido, plu-  
uio, niueo, & in quibuscunque  
alijs tristibus euentis, quæ ab  
hominibus impediri non pos-  
sunt.

sunt. Si quid verò legis quod  
 te delectat, itidē cogitationes  
 tuas conuertas ad Dominum  
 Deum tuū, in eoq; solo te oble-  
 ctes. Nimirū firmiter apud te  
 statuas, ipsum sub iisdē verbis,  
 quæ legis, sese occultare, tibiq;  
 suauiter per ea loqui. Similiter  
 quories in animo tuo, cogita-  
 rus alicuius complacentiæ ac  
 delectationis, ex quacumque  
 re vel actione bona excitatur;  
 protinus conuertere mentem in  
 Deum, ipsumque summa cum  
 humilitate ac reuerentia ado-  
 ra: illudq; bonum ab ipso solo  
 profectum agnoscens, toto  
 corde ei pro eodem gratias  
 agas.

## CAPVT XIV.

*De ordine pugnandi cum hosti-  
bus nostris.*

**I**N pugna spirituali contra  
inordinatos affectus, &  
quolibet aduersitates, huius-  
modi ferè ordo seruabitur.  
Primum ingredi cogitatio-  
nibus tuis in archiuum animæ  
tuæ, & diligenter dispice, qui-  
nam affectus in ea præcipuè  
dominetur, & à quibus cogi-  
tationibus & motibus fre-  
quentius tentetur ac moleste-  
tur. Deinde vertas te contra il-  
lum hostem, qui tibi plus mo-  
lestiarum



lestiarum & periculorum affert, atque iam iam in te manus suas mittit, vt obruat & perdat, eiꝛue viriliter te oppone. Veruntamen tempore quieto, cū à nullo hostium tentaris & affligeris, tu ipse prouoca ad certamen hostes tuos; potissimum illos qui tibi præ cæteris molesti sunt, frequentiusꝛue te decipiunt atque turpius coram Deo confundunt.

## CAPVT XV.

*Quid faciendum illi qui ab hostibus denictus, graniterque est laesus.*

**S**I te contingat ex imbecillitate, alijsque defectibus, adeoque & nequitia, voluntateque mala, in aliquod vitium incidere; protinus conuerte mentem tuam ad Deum: & primum quidem tuam ipsius vilitatem ad animum reuoca, teque ipsum odio habeas. Deinde te recollige, & denuò ad Deum conuersus, ardenti corde confitearis & dic: *Domine Deus*

Deus meus, ecce gessi me qualis sum. Quid enim à me aliud expectandum, quam sordes, lapsus, atque peccata? Doleo, Deus meus ex toto corde meo. Eheu fateor, quod multò deteriora perpetrassetem, graviusquē lapsus fuissetem; nisi me manus tuæ immensæ bonitatis singulariter custodiuis-  
sent: pro quo etiam tibi merito gratias ago, habeoq; quam maximas. Tu Domine Deus meus age mecum secundum diuitias miserationum tuarum, ne permittas me extra gratiam tuam viuere, aut sanctissimam tuam Maiestatem deinceps offendere.

Hæc ubi corde sincero effudisti coram Deo, noli sollicitè cogi-

cogitare, an tibi Deus peccatum istud dimiserit, nec ne: quia hæc curiositas sapit fœtidam animi superbiam, & grauem diaboli laqueum; reddit etiam te inquietum, & tempus sine fructu consumit. Ergò purè teipsum proijce in paterna brachia clementissimi Domini Dei tui: & resume exercitationes pugnæ tuæ, ac si nūquam lapsus fuisses. Et licet vno die sæpius labaris, seu ab hostibus tuis plura vulnera accipias: nullatenus tamen desperabis aut pusillanimis eris, aut tibi metues: sed toties repete consueta pugnæ tuæ exercitia, sicut fecisti in principio, primò, secun-



secundò, tertio, quartò, & quoties opus fuerit.

Hoc genus exercitationis vehementer displicet diabolo, quod sciat illud magnopere placere Deo: & ob id grauer machinatur, vt nos ad illud frequentandum tepidos reddat. Tu verò contra, hoc maiorem tibi vim facies ad illud frequentandum, quò videtur esse durius atque molestius. Ideoque nec tædebit te illud in quolibet lapsu, & amissa contra hostem victoria, aliquoties repetere. Et licet post lapsum primum, vel alterum, ac tertium, in te sentias grauem turbationem, confusionem, diffi-

diffidentiam; tamen contende ante omnia, vt interiorē animæ quietem recuperes, requē solum ad Dominum Deum tuum conuertas. Nam turbatio animi, ex admissō peccato proueniens, non est indicium offēsi à te Domini Dei tui, sed damnorum variorum, quæ tu tibi metuis.

Istam autem animi tui quietem sic ferè comparare poteris. Facta ad Deum conuersione & deprecatione peccati; deinceps obliuiscere peccati tui penitus: & solum contemplare ineffabilem Dei tui dilectionem, qua desideret summopere, vt te sibi vniat & æternæ beati-

beatitudinis participem reddat. Hac autem contemplatione finita, & corde tuo in pia tranquillitate constituto, iterum verte cogitationes mentis tuæ ad lapsum tuum, & facito quod in huius capitis initio docui: temporèque confessionis peccatorum (quæ sæpius facienda est) reuolue omnes lapsus atque defectus tuos, eosq; derege ac confitere simpliciter tuo Confessario.

CA-

## CAPVT XVI.

*Quod spiritualis homo semper de-  
beat habere cor quietum ac la-  
tum in Domino.*

**D**ILECTE fili, vt cor tuum  
in spiritali hac pugna,  
ab omni angustia ac perturba-  
tione quietum seruare possis;  
diligenter te ipsum observa, &  
fidelem tibi constituas specu-  
latorem: qui cùm aliquid quòd  
te possit turbare, molestareque  
perspexerit: confestim signo  
dato te pramoneat, vt ad de-  
fensionem tempestiuè te arma-  
re valeas.

Etsi



Et si contingat ( vt solet ni-  
 mis sæpe) te ex euentu impro-  
 uiso grauitur turbari, protinus  
 omnibus negotijs alijs seposi-  
 tis, contende vt denuò quie-  
 tum ac lætum cor tibi conci-  
 lies. Quo accepto, rectius cæ-  
 tera præstare poteris: quia ani-  
 mo turbato ac inquieto nihil  
 efficies: & diabolus occasio-  
 nem inde sumit te grauius ten-  
 tandi. Quoniam ipse huius-  
 modi sanctam animæ quietem  
 seu pacem vehementer metuit,  
 tanquam tabernaculum Dei,  
 in quo ipse multa mira opera-  
 tur, Propterea quoque pestife-  
 ra sua astutia non omittit nos  
 etiam sub specie boni decipe-  
 re.

re. Quoniam sæpè in nobis excitat affectus ac desideria bona: sed oportet eos, ne decipiaris, ex fructibus eorum diligenter dijudicare. Nam cor inquietum reddent.

Quare cum speculator tuus tibi dat signum, adesse quendam affectum bonum, qui cor tuum cupiat inhabitare; caue ut intromittas eum prius, quàm voluntatem tuam ab eius desiderio totam expoliaueris: eumquæ Deo supplici oratione obruleris, simulque coram ipso tuam ignorantiam ac cæcitatem humillimè confitearis, & attentissimè ipsum inuoces ac ores, ut lumen gratiæ

tia suæ tibi benignè imper-  
 riat, ad cognoscendum & di-  
 judicandum an affectus hic  
 bonus à gloriosissima sua Ma-  
 iestate, an à re aliqua terrena  
 proueniat.

Et semper esto memor sub-  
 iugationis, mortificationisquæ  
 tuæ propriæ naturæ, priusquã  
 vllum bonum affectum in te  
 admittas, etiam à Deo immis-  
 sum. Quia gratiora ei sunt o-  
 pera, quæ ex voluntate tua piè  
 mortificata proueniunt, quàm  
 quæ ex desiderijs tuæ viuidæ  
 Naturæ feceris. Et sæpe plus  
 placet Deo tuæ voluntatis  
 mortificatio, quam ipsum  
 opus bonum.

Sic

Sic expellendo vanos, prauosque affectus tuos, nec bonos admittendo in animum tuum (quod etiam custodire debes) donec natura tua propria, cum omnibus suis affectibus ac desiderijs suppressa ac mortificata sit, semper quietus eris, & castrum cordis tui tutum ab hostibus conseruabis, à crebrioribus reprehensionibus, & afflictionibus interioribus tui ipsius. Istæ enim non semper à Deo, sed & à diabolo quandoque suggeruntur. Ex fructibus autem eorum cognosces, vnde potissimum oriuntur. Nam si eæ reprehensiones te humilem atque quietum  
custo-



custodiunt, diligentioremque in bonis, operibus reddunt, piamque in Deum confidentiam non auferunt; tunc eas suscipe tamquam à Deo inspiratas, qui sic ad ianuam cordis tui interius pulsatur, ut te ipsum discas cognoscere. Si autem te inquietum, pusillanimum, ad opera bona pigrum, & erga Deum diffidentem reddunt; idque eo præcipue tempore, quo easdem interiores reprehensiones, afflictionesque in te sentis; pro certo habeas, non à Deo, sed à diabolo eas tibi suggestas esse. Huiusmodi ergo ne admittas in animum tuum, sed in tuis consuetis pijs exer-

H

cita-

citationibus hilariter persistas,  
quasi nihil istarum suggestio-  
num in te senferis.

## CAPVT XVII.

*Quod diabolus hominem sæpe per-  
pia proposita decipiat, & à pro-  
fectu virtutum impediat.*

**P**RÆTER hæcenus detectos  
diaboli dolos, etiam alius  
hic detegendus est: nimirum  
pium propositum desiderium-  
que pugnandi contra præte-  
rita peccata grauiora. Id enim  
propterea homini suggerit,  
vt dum in his animum suum  
occupat, suorum quotidiana-  
norum

norum peccatorum, quibus  
tamen vehementer obnoxius  
est, obliuiscatur, nullamque  
contra ea pugnam suscipiat.  
Qui autem suæ salutis curam  
habere voluerit, debet præci-  
puè cum vitijs proximis certa-  
men subire, eaque vincere &  
à se procul fugare. Quod quia  
sæpe negligimus; fit, vt in mul-  
ta mala prolabamur: velut  
qui noua semper accipiunt  
vulnera, & nullam quærunt  
medicinam. Nam huiusmodi  
proposita pro factis reputan-  
tes, in propriam complacen-  
tiam & latentem superbiam  
incidimus.

Vnde cum ne verbum qui-

dem durum, nedum verbera,  
placido animo suscipere, per-  
ferreque valeamus, sublimi-  
bus contemplationibus vaca-  
mus, in ijsque proponimus, e-  
tiam purgatorij pœnas, purè  
propter amorem Dei patienter  
sustinere. Cumque ipsorum  
voluntas inferior siue sensua-  
litas, nihil quod molestum sit,  
doloremque afferat, in se sen-  
tiant, tantumque ad futuras ca-  
lamitates respiciat; profecto  
valde ineptè ac temerè sibi  
imaginantur, se ex eorum esse  
numero, qui summè patientes  
sint, & ipso facto multa grauia  
sustinere pro Deo valeant.

Vt ergo, dilecte fili, dolum  
hunc



hunc effugias, propone tibi,  
 non solum animo, sed & ipso  
 facto pugnare cum proximis  
 hostibus tuis, qui & molesti  
 tibi valde sunt, & ipso opere  
 aduersantur. Inde facile co-  
 gnosces, an illa proposita tua  
 vera an falsa, firma an debilia  
 sint. Nec possum tibi vlllo mo-  
 do suadere, vt pugnare con-  
 tendas contra hostes, qui te  
 non infestant; nisi certò depre-  
 hendas, eos te breui inuasuros.  
 Sic enim tibi licet contra eos  
 pugnare priusquam in te ve-  
 niant, vt deinde in ipso con-  
 flictu te sentias fortiolem. No-  
 lim tamen tibi vt persuadeas,  
 te per pugnam antecedentem,

hostes tuos iam superasse; nisi multo iam tempore in virtutū studijs exercitatus sis. Nam in hoc casu, permissum est suscipere proposita pugnandi contra peccata præterita grauiora, etiamsi leuiora nonnulla delicta, ex singulari Dei providentia superare non possumus, vt in humili agnitione propriæ imbecillitatis permaneamus.

Sed qui negligentes sunt in superandis leuioribus delictis, putantque se grauioribus facile posse resistere; insigniter vani sunt ac præsumptuosi, inciduntque in laqueos diaboli.

CA-

## CAPVT XVIII.

*Quibus dolis diabolus nos à virtutū studijs abducere moliatur.*

**V**Titur porrò diabolus alio quodam astu, vt nos in via virtutum ambulantes, abducatur in deuiam: Id est, à virtute in vitium. Incidit quidam in morbum aliquem, quem patienter ferre desiderat; diabolus (ne, si ita perseueret, virtutem patientiæ consequatur) suggerit ei motus ac desideria huius vel illius boni operis faciendi, si sanitati restitueretur: quodque Deo rectius, ac

dignius seruire: sibi, suisque,  
& pauperibus plura officia,  
beneficiaque prestare possit sa-  
nus, quam infirmus. Et hæc  
desideria in tali infirmo pau-  
latim magis magisque accen-  
dit, donec eum pertæsum &  
impatientem reddat infirmita-  
tis suæ, quòd per eam ab istis  
bonis faciendis impediatur.  
Atque hoc dolo eum, qui ad  
virtutem patientiæ sese exer-  
cebat, in impatientiæ vitium  
nequiter præcipitat. Non sub  
ratione vitij, sed impedimenti  
quo retardatur ab executione  
bonorum operum, in quæ in-  
ordinate fertur.

Neque hoc satis: sed pergit,  
& ei-



& eidem infirmo suggesta desideria de bonis operibus, quæ sanus facere posset, rursus dolosè eximit, ipso etiam non aduertente: solumque in eo desiderium sanitatis recuperandæ relinquit: aut si eam non propediem obtineat, in grauem tristitiam, & ipsissimam labatur impatientiam.

Contra hunc ergo nefarii hostis dolum, deceptionemque, remedium optimum est, vt in infirmitate, aut alia quacumque aduersitate constitutus, sedulò caueas, ne motum, desideriumque in animum admittas vllum, quod non possis quam primum implere: alio-

qui

qui reddet te sollicitum ac inquietum.

Et attende diligenter, sæpe cum qui labitur in impatientiam, non putare id ei accidere ex sua quam patitur aduersitate, sed ex impeditioe ab operum bonorum exercitio, quæ ex ea oritur. Proindeque impatientiæ suæ causam non refert in ipsam infirmitatem vel aduersitatem, sed partim in seipsum, quòd eam commouerit, & quasi accersuerit: partim in eos quibus molestus esse debet etiam inuitus: partim denique in omissionem spiritualium exercitiorum.

Ita

Ita ambitiosus qui dignitates aut officia, quæ ambit, assequi non valet, dicit se non sui causa conqueri & dolere, sed ob necessitatem suorum cognatorum, quos iuuare debeat vel similia. Quòd verò hi se decipiant, manifestum est ex eo, quòd non ita turbantur, cum alijs medijs & personis eidem contingunt effectus, qui eis molestiam afferre videbantur, & sub quibus suum vitium occultabant.

Verbi gratia. Dicis infirmitatem tuam te non reddere impatientem, quòd molesta sit tibi: sed quòd grauentur qui in ea tibi ministrant. At si con-

contingeret, easdem personas tibi ministrantes, etiam alijs infirmis ministrando grauari, parùm te afficeret. Vnde aperte deprehendis, non illorum molestatione, sed tuam ipsius cupiditatem esse causam impatientiæ tuæ. In hunc modum etiam poteris dolos in alijs rebus ac negotijs tuis latentes facile deprehendere.

Quamobrem te hortor ut cum tuam crucem patienter tollere possis, nullatenus ab ea liberari desideres: quoniam ex isto tuo desiderio, duo tibi grandia mala eueniunt. Alterum quòd auferat à te virtutem patientiæ, aut saltem viam sternat



sternat ad impatientiam. Alterum quod priuet te merito apud Deum, qui breuissimi temporis patientiam, cum propriæ tuæ voluntatis in ipsius diuinam voluntatem resignatione cōiunctam, in opus perfectæ patientiæ reputat.

In his ergo & alijs operibus, negotijsque tuis omnibus, hāc tibi regulā serua: vt cor tuum à desiderijs omnibus subtrahas atque expurges, nihilque aliud petas, quàm quod diuinæ voluntati placeat, idque cum humilitate atque simplicitate. Quo facto in nulla deinceps aduersitate facile turbaberis: quòd nulla tibi acci-

I dere

dere possit absque beneplacito  
diuinæ Maiestatis. Atque hæc  
faciens, numquam à via perfe-  
ctionis aberrabis. Quando au-  
tem pro aduersitate, quam su-  
stines, pellenda, medijs quibus-  
dam vti necesse est; sollicitè te  
obserua, ne affectus cordis tui  
ijsdem adhærescat. Neue ijs-  
dem vtaris vt ab aduersitate  
libereris: sed quia Deo sic pla-  
ceat, vt his medijs vtaris. At-  
que tunc non turbaberis, e-  
tiam si illa tibi non conducant  
ad liberationem ab aduersi-  
tate.

CA-

## CAPVT XIX.

*Quomodo aduersarius noster insidiosè moliatur, ut virtutes nostræ acquisite, nobis occasio sint ad ruinam.*

**C** Allidus ac pestifer ille serpens non intermittit nos etiam tentare per virtutes nostras acquisite, ut fiant nobis occasio ad ruinam. Itaque molitur omnia, ut nos ad complacentiam & oblectationem in ijsdem inducat. Indeque in nobismetipsis elati, in graue crimen superbiæ prolabamur.

Ut sis vero ab hoc periculoso lapsu tutior, persiste semper in aperto campo, & perseuera in vera, humili atque secura meditatione vilitatis tuæ; considerans quòd ex te ipso plane nihil sis, nihil scias, nihil possis: nec quicquam aliud in te ipso habeas quàm æternam damnationem.

Curabis quoque sedulo, ut cogitationes tuas omnes quæ te à tui ipsius agnitione abstrahunt, longe à te repellas. Cum enim istæ à manifestis tuis hostibus suggerantur; persuadeas tibi certò, nisi eas animo excluderis aut te prorsus enecabunt, aut graue saltem vulnus animæ



mæ tuæ infligent.

Quod vt verum esse intelligas, hanc tibi trado regulam. Contemplaturus vilitatem tuam, non vertes cogitatum tuum ad dona ac beneficia, quæ in te sunt; quod ea non sint tua sed Dei: sed ad id quod tuum est, & tunc rectè indicabis, quantus vel potius quam vilis sis. Sic autem id efficies. Cogita tempus quod te antecessit, & continuò deprehendes te ab æterno nihil prorsus fuisse: nihilque etiam te fecisse neque facere potuisse, vt vitam aut quamcumque rem aliam consequereris. Si deinde cogitas tempus, quo aliquid esse cœpisti,

sti, intelliges pariter te hoc ex Dei solius pura dilectione, benignitateque accepisse: quia ipse & creauit te & vitam tibi dedit, quam & ipse solus in te conseruat: & cuncta quæ habes, scis ac possides. Itaque ne minimam quidem occasionem in teipso inuenies, unde putes te aliquid esse, aut pro aliquo præ cæteris habendum.

Iam quod attinet ad statum tuum gratiæ & virtutes ad bene operandum tibi datas: si natura tua omni diuino auxilio priuetur nūquid quidquam boni per se operari poterit? Si præterea verteris cogitatum  
tuum

## SPIRITUALIS. IST

tuum ad multa tua opera mala  
& peccata, atque ad alia peiora  
quæ indubiè perpetrasses,  
nisi Dominus Deus noster  
dextera suæ diuinæ gratiæ te  
custodiuiſſet, impediuiſſet, ab-  
ſtraxiſſet, cognoſces facile, im-  
pietatem tuam; tum propter  
longitudinem temporis, quo  
eidem immerſus fuiſti, tum ob  
multitudinem iniquorum fa-  
ctorum, prauarumque affe-  
ctionum tuarum; tam gran-  
dem eſſe, vt neque numerari,  
neque verbis exprimi poſſit: &  
ita quaſi alter Lucifer infer-  
nalisiam ſis, aut certè fieri po-  
tueris. Quamobrem niſi velis  
eſſe fur aut ſacrilegus, qui

Domino Deo sua bona furetur, sibi quæ attribuat; sed cupis omnino esse ac haberi is, qui reuera in te ipso es; iure debes te ipsum de die in diem ac semper deteriorem æstimare.

Attende tamen diligenter, hanc agnitionem, confessionem quæ tuæ propriæ vilitatis coniunctam esse debere cum iustitia; alioqui tibi plus noceret, quàm proderet. Nam si in tali agnitione tui ipsius superaueris aliquem, qui ob suam cæcitatem se putet aliquid esse, ac pro tali ab alijs haberi cupiat; inde quæ velis vt homines te habeant pro aliquo, quæ tu primum perdidisti, & longè dete-



deterior es illo. Propterea vt agnitio vilitatis, malitiæque tuæ vera fit, teque Deo acceptabilem reddat, non solum tu reipsum vilem ac impium agnosces, sed & talem te geres atque tractabis: & ab alijs pro tali haberi, tractarique desiderabis.

Et si quandoque contingat, vt propter aliquod bonum opus, quod Dominus Deus per te dignatus est operari, bonus habearis, ameris, lauderis; cautus esto, nec te patiaris à prædicta agnitione verissimæ vilitatis tuæ vllatenus abduci: sed conuertas te in corde tuo ad Dominum Deum, & dic:

*Domine Deus meus, ne permit-  
tas, ut in mentem mihi veniat,  
furari tuam diuinam bonitatem.*

*Deinde vertas te ad illum qui  
te laudauit, & dic intra te-  
ipsum. Quid iste me bonum aesti-  
mat, cum reuera nemo bonus sit,  
nisi solus Deus meus: Hæc si fe-  
ceris, verè Deo reddis quod  
ipsum est, & te ad maiorem  
gratiam accipiendam dispo-  
nis.*

CA-

## CAPVT XX.

*Vt in pugna ſpirituali nunquam  
nobis blandiamur de hoſtibus  
deuictis: ſed ſolitas noſtras  
exercitationes ſubinde itere-  
mus, velut adhuc eſſemus tyro-  
nes in hac ſpirituali palaſtra.*

**D**ilecte fili, præter vniuer-  
ſa hætenus à me tibi di-  
cta, vnius adhuc te admonere  
debeo: nempe ne tibi perſua-  
deas vmquam, te paſſionum  
tuarum aliquam penitus ſupe-  
raſſe; quod longo fortasſe tem-  
pore, nullum illius motum  
in te ſenſeris. Sed ſubinde re-

noua tuas solitas exercitationes spirituales tanquam tyro, seu paruulus modò natus ad pugnam, qui in ea se ante hac numquam exercuit.

Quod quidem tunc maximè faciendum est, quando perfectionem eam, ad quam nos Deus vocauit, sectari volumus. Quoniam tam copiosa ac sublimis ea est, vt numquam dicere possimus, quòd vel prima saltem initia ad eandem in nobis posuerimus, præterquam quod nonnumquam vitium, ex deceptione latentis superbiæ nobis virtus esse videatur.



## CAPVT XXI.

*De Sancta Oratione.*

**D**ilecte fili, hætenus, iu-  
uante Deo audiuius ac  
didicimus de diffidentia sui-  
ipsius, de confidentia in Deo,  
& de exercitatione: quæ media  
tria, nobis necessaria sunt ad  
consequendam victoriam ad-  
uersus passiones ac motus in-  
ordinatos sensualitatis nostræ.  
Sequitur nunc quartum me-  
dium eò necessarium, sancta  
oratio: quæ inter cætera opti-  
mum ac efficacissimum est, ad  
obtinendum à benigna, largaq;

manu Dei quodcūque bonum.  
Ut autem oratio tua grata &  
efficax sit: has ferè conditiones  
seu proprietates habebit sibi  
iunctas.

Prima ut in corde tuo sem-  
per ardeat singulare deside-  
rium, Domino Deo tuo ita ser-  
uiendi ut ipsi quàm maximè  
placuerit.

Secunda, ut sit in te vera ac  
constans fides, Dominum  
Deum daturum omnia, quæ ad  
ipsius cultum, & tuam salutem  
tibi sint necessaria.

Tertia, ut ad S. orationem  
non alio proposito accedas,  
quàm ut Dei, non tua volun-  
tas impleatur; idque tam in pe-  
tendo,

tendo, quàm in impetrando. Videlicet ne te ad orandum quidquam aliud moueat, quàm quòd Deus velit vt ores : neue ob aliam causam cupias exaudiri, quàm quòd ita placitum sit apud Deum. Breuiter : totũ tuum propositum erit, vt petas voluntatem tuam conformari cum voluntate Dei : & nequaquam tentes voluntatem Dei flectere secundum voluntatem tuam.

Quarta, vt oratio tua semper iuncta sit cum cæteris supradictis spiritualibus exercitijs, ita vt nullum sine altero suscipias. Tametsi enim diu, multumque Deum pro consequenda

quenda aliqua virtute ores, & nullam exercitationem pro eadem comparanda adhibeas; nihil aliud agis quàm quod Deum tentas, & nihil impetras. Postquam autem oraueris ad Deum, mox excita in te spem viuam atque constantem in ipsum, quod ex ineffabili dilectione sua tibi petitam gratiam seu donum, aut aliud eò præstantius, vel vtrumque simul daturus sit. Et quâquam tam diu fortasse differat dare, vt putes te nihil impetraturum: tamen hanc spem constanter in te retine: nec vquam orationem, aut exercitationem, aut fiduciam tuam  
pro-



propterea intermitte.

Quinetiam si tibi videatur, quòd Deus te ab oratione repellat: nihilominus te ipsum magis magisque ante conspectum eius humilia: simulque fidem ac spem in ipsum in te adauge & conforta. Nam quo frequentius, etiam in vehementi huiusmodi repulsa, ac manifesta quasi reprobatione orationis tuæ, restiteris, spemque constantem conceperis; hoc quoque gratius obsequium præstabis Deo. Sed & semper gratias ages Deo, atque non minus sapientem, prudentem, benignum, amantemque tui ipsum iudicabis, quando te ab ipso

ipso non exauditum arbitraris,  
atque cū obtines quod peti-  
sti. Itaque semper esto constan-  
ti animo ac lato quodcumque  
tibi eueniat bonū aut malum:  
humiliterq̃ue te infallibili sa-  
pientiæ, prudentiæ, prouiden-  
tiæq̃ue diuinæ submitte.

## CAPVT XXII.

*Quid oratio interior, qua & con-  
templatio, sit: & quis eius usus.*

**O** Ratio interior, seu men-  
talis, nihil aliud est, quam  
elevatione mentis in Deum a-  
ctuale vel virtuale inclu-  
dens alicuius rei petitionem.  
Vir-

Virtualis petitio dicitur quando aliquis mentem suam eleuat in Deum pro impetranda ipsius gratia: suamque ipsi necessitatem, absq; vllō discursu ac consideratione aliarum rerū, simpliciter, breuiterque explicat. Vt cum mentem meam eleuo in Deum, & corā ipso agnosco, confiteorque meam ad faciendum bonum, & me à malo custodiendum imbecillitatem. Huiusmodi oratio propriè recteque dicitur virtualis: quia dum mentem meam, sic breuiter aperio coram Deo, ipse satis bene nouit quid mihi desit, & quoniam opus habeam auxilio.

Est

Est autem & aliud genus orationis interioris virtualis, quod consistit in simplici intuitu seu contemplatione diuinæ mentis. Et fit quando tacitè desideramus, Deumque velut monemus vt largiatur quod antea petiuimus. Hunc orandi modum fili, diligenter addiscas frequentique exercitatione tibi familiarem reddas. Etenim ipsa te docebit experientia, quam optima is sit armatura contra quascumque aduersitates atque pericula. Vnde nihil vtilius, quam hunc orandi modum semper in promptu habere, vt cum quoties opus sit adhibere possis.

Actualis



Actualis autem oratio interior est, quando homo verbis in mente expressis, gratiam à Deo petit. Vt qui intra se absque verbis exterioribus, ad Deum sic orat: *Domine Deus meus, da obsecro mihi gratiam hanc, aut illam, propter honorem sanctissimi nominis tui. vel: O Deus meus, credo firmiter, summe Maiestati tue sic placere, ut hanc abs te gratiam petam. O Deus meus impleas in me voluntatem tuam.*

In huiusmodi oratione hostem tuum, vel peccata tua, quæ te infestant & affligunt, pariterque imbecillitatem ad iisdem resistendum, coram Deo

Deo sistas, & dicas: O Domine,  
aspice me creaturam manuum  
tuarum; quam roseo sanguine tuo  
redemisti: attende hostem meum  
pariter & tuum, qui furit ac se-  
ruit ut me discerpat, absorbeat quē.  
O Deus meus ad te confugio, in te  
solo spero. Respice imbecillita-  
tem, impotentiam, imperfectio-  
nem meam: & è contrario gran-  
dem vim, robur atque potentiam  
hostis mei qui molitur me sua ty-  
rannidi subycere, si tua potenti  
defensione destituar.

## CAPVT XXIII.

*Quatenus homo orationi interiori  
contemplationem adiun-  
gere possit.*

**S**I quandoq; certum tempus,  
vt horam vnā & amplius  
mentaliter orare volueris :  
iunges orationi huic medi-  
tationes de vita & morte  
Christi, Domini nostri : ita  
vt opera Christi semper ac-  
commodes ad virtutem quam  
petis, simulq; de ijsdem me-  
diteris. Verbi gratia. Deside-  
ras acquirere virtutem patien-  
tiæ : assume ergo meditandum  
aliquod

aliquod mysterium crucifixionis Christi Domini nostri. Scilicet quàm atrociter spoliatus sit vestibus suis; quàm truculenter vestes, sacris eius vulneribus adhærescentes, detraherint: quantis cum subsannationibus ac diris spineam coronam sacro capiti eius iterum, iterumque ac sæpius extractam, denuo imprefferint, vel quomodo ipse innocentissimus Dominus Deus duro crucis ligno affixus & cum ineffabili vulnerum suorum, totiusque sacri corporis eius dolore in altum leuatus sit. Vel his similes meditationes assume. Quibus applica sensualitatem tuam ut  
pœ-



pœnam, quam Christus ista pati-  
ens, in omnibus membris sa-  
cri corporis sui sustinuit; etiam  
ipsa in se sentiat.

Deinde excita & eleua cor-  
tuum ad sacram animã Christi  
& quantũ potes meditare sum-  
mam patientiam ac mansue-  
rudinem, quibus acerbissimos  
istos, aliosque complures cru-  
ciatus, placidissimè tolerauit.  
Quodque idem Dominus Ie-  
sus pro honore cœlestis Patris  
sui, proque salute nostra para-  
tus semper fuerit seque obrule-  
rit ad multò plura, grauioraq;  
sustinenda.

Postea aspice cum oculis  
mentis sic in cruce pēdentem,

K

mar-

martyrioque affectum, eique  
asta & meditare, quam ferui-  
do desiderio pro te pati volue-  
rit, vt eius exemplo & tu ad-  
uersitates tuas, propter hono-  
rem ipsius patienter sustine-  
res. Et sicut ipse vertit se ad  
suum cælestem Patrem pro te  
orando: ita & tu petas tibi gra-  
tiam concedi vt crucem, quam  
nunc sustines, omniaque in-  
commoda alia, æquanimi-  
ter sufferre, superareque va-  
leas.

Denique compelle volunta-  
tem tuam, vt in hoc consen-  
tiant eamque sæpius alloquere,  
vt crucem istam placidè in se  
suscipiat, & constanter perfe-  
rat.

rat. Mox mentem tuam, verte  
ad Deum Patrem tuum cæle-  
stem, ab eoquæ humili pre-  
ce efflagita virtutem patien-  
tiæ, vt superare possis: pari-  
terquæ toto corde ora, vt ora-  
tionem dilecti filij sui quam  
indefinenter exaudire digne-  
tur.

## CAPVT XXIV.

*De quodam alio modo orandi  
per meditationes.*

**E**ST præterea modus qui-  
dam alius simul & orandi  
& meditandi, Videlicet, vbi  
iam interius magna attētiōe,

ac indefesso studio acerbissimam passionem, omnemque miseriam quam dilectissimus Dominus noster Christus Iesus pro nobis sustinuit, meditatues; accommoda sensualitatem tuam ut similes dolores quatenus potest fieri, in se sentiat: moxque tuis cogitationibus penetra ac perscrutare, quam promptissima voluntate Christus Dominus noster ista sustinuerit. Et post meditationem maximi doloris, summæque ac perfectæ patientiæ eius, verte mentem tuam ad alias duas meditationes. Nimirum primò meditare de thesauro meritorum Christi. Secundo



dò de summo beneplacito cæ-  
lestis Patris, quod habuit in  
perfectissima obedientia dile-  
ctissimi filij sui.

His pijs meditationibus vbi  
mentem impleueris proferas  
eas, & ante conspectum Do-  
mini tui sistas, perque earum  
rerum virtutem pete ab ipso  
gratiam aliquam, qua præcipue  
indiges. Et hanc petitionem  
non solum in meditatione cu-  
iuslibet mysterij passionis  
Christi, sed & cuiuslibet actus  
interioris vel exterioris, quem  
Christus in tali mysterio exer-  
cuit, facere poteris.

## CAPVT XXV.

*De modo orandi per intercessionem B. Mariæ Virginis.*

**P**Ræter iam dictos orandi & meditandi modos, adhuc alius occurrit: Videlicet de gloriosissima superbenedicta virgine matre Christi Domini nostri Maria: quod hac ratione commodè facere poteris. Primum namque verte mentem tuam ad Deum Patrem: deinde ad vnigenitum ac dilectissimum filium eius Christum Dominum nostrum: Postremò eandem superbenedictam

etiam matrem, sanctissimam  
virginem Mariam.

In meditatione erga cælestē  
Patrem, duo siste ante ipsius  
conspectum: nempe summum  
ipsius beneplacitum, quòd ha-  
buit apud se ab æterno de su-  
per benedicta Virgine Matre  
Maria, priusquam nasceretur:  
deinde admiranda opera quæ  
idem ostendit cùm eadem san-  
ctissima Virgo in mundum  
nasceretur.

Quantum ad primum eleua  
& exalta cogitationes tuas vl-  
tra omne tempus præteritū, su-  
praq; omnem creaturam, & pe-  
netra vsque ad æternitatem  
diuinæ mentis: atque sic me-

ditare, quàm celebre gaudium,  
quàm sanctas delicias diuina  
Maiestas apud se habuerit su-  
per hac beatissima Virgine  
Maria, eiusque pulchritudine  
longè desideratissima. Cumq;  
Dominum Deum in tãto gau-  
dio & iubilo inuenisti, confe-  
stim summa spe atque fiducia  
eum ora, vt propter illud sub-  
lime gaudium, tibi gratiam &  
robur spiritus, ad superandos  
hostes tuos (præsertim illud  
vitium quod te tunc grauius  
tentat atque molestat) benignè  
largiatur.

Deinde progrediaris medi-  
tari præclaras virtutes ac dona  
eiusdem gloriosissimæ Virgi-  
nis



nis Matris Mariæ, & nunc simul omnes, nunc verò singulas fiste ante conspectum cælestis Patris: atque ora similiter vt per immensam bonitatem suam, & propter istas sanctissimæ Virginis virtutes, tibi clementer conferat quod petis.

Postea verte cogitatũ tuum ad Filium Dei, Dominum nostrum Iesum Christũ: eumque admoneas castissimi Virginalis vteri, qui nouem mensibus ipsum gestauit; itemque reuerentiæ singularis, qua ipsum sanctissima Mater Virgo cum primum natus esset in mūdum, prosequabatur atque colebat.

Quo-

Quoniam tunc statim credidit, ac coluit ipsum ut verum hominem, & Deum verum: ut filium suum, & creatorem suum, Admone eum quoque oculorum magnæ cōpassionis, quibus summam eius paupertatem intuita est. Sacrorū etiam brachiorum in quibus ipse Dei filius frequenter recubuit: istorum suauium osculorum, quæ ipsa ei dedit: Lactis, quo ipsum nutriuit; Laborum difficilium, plurimarum molestiarum atque dolorum, quæ in vita eius pariter & morte, propter ipsum sustinuit. Propter hæc & similia pijsimæ Virginis matris obsequia, nonnullam

nullam dilectissimo eius filio  
vim afferes vt te orantem ex-  
audiat.

Tandem te quoque vertas ad  
ipsammet gloriosissimam Vir-  
ginem matrem Dei Mariam;  
eamque similiter admone; quo-  
modo ipsa sola inter omnes  
virgines & mulieres, ab æter-  
na sapientia immensaque bo-  
nitate Dei, in matrem gratiæ  
& commiserationis, in adiu-  
tricem, mediatricem aduoca-  
tam omnium hominum apud  
Deum præelecta sit; quodque  
post Deum, eiusque dilectissi-  
mum filium, apud neminem al-  
lium quàm apud ipsam melio-  
ra, certioraque præsidia atque  
solatia

solatia salutis inuenire ac consequi possimus. Admone ipsam quoque quam verè ac rectè de ipsa scribatur ac decantetur: quod nullus eam recta fide inuocauerit, cui non benignè responderit, suaquè fidelissima intercessione auxilium non tulerit. Denique siste ante oculos eius omnem miseriam, quã dilectus eius filius hic in terris sustinuit; & ora vt pro ipsius solius honore ac gloria, tibi sua pijsissima intercessione, impetrare dignetur hoc, cuius gratia dilectissimus eius filius tam mansuetissimè passus est.



## CAPVT XXVI.

*Quomodo orandum ac meditan-  
dum sit per Angelos, ceterosq;  
beatos in calis.*

**P**Oteris tibi præterea efficax  
medium ad impetrandum  
aliquid à Deo parare, per SS.  
Angelos, cæterosq; beatos  
in calis. Atque id etiam modis  
duobus efficies: primò si ver-  
tas cogitatum mentis tuæ ad  
cælestem Patrem, eiq; sistas  
amorem, cultum, laudem; qui-  
bus ipse à tota cœlesti curia  
gloriosè laudatur, honoratur,  
colitur. Simul quoque sistas ei

L

OME

omnem laborem, rumnas atque molestias, quæ sancti eius hic in terris, auxiliante ipsius gratia, sustinendo superarunt. Deinde vertas mentem ad eosdem gloriosos spiritus Dei: & inter meditandum quòd in summo gradu perfectionis suæ quem possident, etiam nostri semper meminerint, nostramque perfectionem maximopere desiderent; ora eos ut tibi in pugna contra vitia tua fidele auxilium ferre non recusent. Quandoque etiam ipsos inuoca, ut tibi in mortis articulo adsint, & à rugientibus hostibus te defendant. Aliàs verò meditare quàm præclara gratia-

tiarum dona à Deo acceperint.  
 & excita in te viuudum chari-  
 tatis affectum, gaudiumque  
 maximum quòd tanta dona  
 acceperint, haud aliter ac si  
 propria tua essent: quin imò  
 plus gaudebis quòd ipsi ea  
 habeant, quàm si tibi à Deo  
 data essent; quandoquidem  
 suæ diuinæ Maiestati sic pla-  
 cuerit.

Vt autem has exercitationes  
 rectius cognoscas & congruo  
 iustoque ordine peragas; par-  
 tieris choros Sanctorum in  
 singulos dies hebdomadæ, vt  
 sequitur.

Dominica die meditaberis

de nouem choris SS. Angelorum.

Feria secunda de SS. Apostolis.

Feria tertia de SS. Martyribus.

Feria quarta de SS. Episcopis.

Feria quinta de SS. Doctoribus.

Feria sexta de SS. Confessoribus.

Sabbato de SS. Virginibus.

Nulla autem die intermitte quasdam habere meditationes & confugia ad gloriosissimam Virginem Mariam: ad proprium tuum Angelum, ad Gabrielem Archangelum, & denique ad eum sanctum, quem singulari pietate veneraris & obseruas.



## CAPVT XXVII.

*Quomodo sanctam crucem, & Christum Dominum in ea affixum pendentem meditari debeamus: ut bonos affectus ac motus in nobis excitare, vel à Deo consequi possimus.*

**O** Stendi tibi, fili, paulò antea, quomodo ad orationem adhibere debeas meditationes de S. Cruce: nunc te instruam, quomodo per ipsius contemplationem, pios motus seu affectiones in te suscitare queas. Itaque si quandoque volueris de aliquo articulo S.

Crucis ac Passionis Christi meditari, ( vt de spinea corona ) sic ferè te geres . Meditaberis quomodo innocentissimus ac dilectissimus Dominus tuus Iesus Christus , pro maiori derisu atque contemptu, purpura sit vestitus , eiusque sanctum caput acutis spinis coronatum, & dura arundine percussum : facer eius vultus totus impuris sputis tædatus . Quomodo, inquam , qui est æternæ gloriæ Rex, quem tot Angelorum myriades humillimè adorant, ab improbis ac vilissimis seruis, irrisoria veneratione turpiter delusus sit .

Cumque huiusmodi, alijsq;  
id

id genus meditationibus, pium  
motum, affectumque amoris  
in te suscitare volueris: eleua-  
bis cor tuum inter meditan-  
dum ad agnitionem inexhau-  
stæ bonitatis ipsius Domini  
Dei tui, eiusque in te dilectio-  
nis maximæ; quam ex eo facile  
colliges, quòd tam multa, tam-  
que acerba pro te pati non de-  
dignatus sit. Et hac meditatio-  
ne summæ bonitatis eius, amo-  
ris in te affectum magis, ma-  
gisque accendes: indeque ad  
peccatorum tuorum veram  
contritionem facillimè per-  
moueberis. Præsertim si agno-  
ueris, te hunc benignissimum,  
& tui amantissimum Dominum

rum, ob tua solius peccata  
turpissima crudeliter antea ne-  
catum, etiamnum grauiter of-  
fendisse.

Ad excitationem verò viui-  
dæ ac constantis in te spei, me-  
ditaberis quod idem Dominus  
Deus tuus, qui est Rex Regum  
& Dominus Dominantium, in  
tam grauem, extremamque  
miseriam se demiserit, vt te à  
vinculis peccatorum tuorum,  
diaboli que captiuitate absol-  
ueret atque eriperet, cælesti  
Patri reconciliaret, fiduciam-  
que bonam in omnibus neces-  
sitatibus ad ipsum confugien-  
di tibi impertiret.

Si autem ex meditationibus  
pas-



passionis Domini tui, spirituale gaudium in te volueris excitare, move cogitatū mentis tuæ à consideratione pœnarum, quas sustinuit; ad vtilitates ac fructus, qui ex istis pœnis eius in te redundarunt. Et meditare, te, totumque mundum per easdem à peccatis esse absolutum, iram cælestis Patris sedatam, diabolum fugatum, mortem occisam, oues perditas ad ouile reductas, Angelorum sedes redintegratas. His iungas, quantum gaudium tota sanctissima Trinitas, omnesque cælestium ciuium exercitus, & vniuersa militans Ecclesia, ex ijsdem vtilitati-

bus conceperint, habuerint-  
que.

Pro doloris verò ac compas-  
sionis affectu, erga eundem  
benignissimum Dominū tuum  
Iesum, ob amarissimam pas-  
sionem eius ac mortem, in te  
excitando; non solum medita-  
beris multiplices plagas sacri  
corporis eius, sed & grauissi-  
mas angustias, dolores atque  
tristitiam longè maximam san-  
ctissimæ animæ eius. Nam  
cū summam, ac imperuesti-  
gabilem dignitatem cælestis  
Patris, quem supra omnia ma-  
ximopere diligit, satis cogni-  
tam haberet, facilè poteris æ-  
stimare quantas passa sit angus-  
tias

stias atque dolores; cum cerne-  
ret ipsum summum benignis-  
simumque Deum ac condito-  
rem omnium post tam multa,  
ingentiaque præstita beneficia,  
à suamet creatura, tam temerè,  
grauiterque offendi, & pecca-  
tis sæpe iteratis turpiter de-  
ludi.

Deinde quoque eadem san-  
ctissima anima Christi Domi-  
ni tui incomparabilem tristi-  
tiam concepit atque sustinuit,  
cum videret plurimas ac prope  
innumerabiles hominum ani-  
mas, sua propria culpa atque  
torpore damnatum iri in æter-  
num.

Ad hæc supra modum auxit  
L 6. dolo-

dolorem animæ Christi Domini tui, immensus ac intolerabilis dolor, quem dignissima, dilectissimaque mater sua in eius passione ac morte perpeffa est, quando gladius doloris cor eius pertransiuit.

Præterea nouum & ingentem dolorem eadem sanctissima anima Christi in se experta est, quando per vnitam sibi diuinitatem cognouit, quàm atroces ac diros cruciatus, multa sanctorum martyrum, sanctarum virginum millia, pro ipsius amore ac fide sustinere deberent.

In his alijsque similibus meditationibus de Christi Domini



nitui passione ac morte; subinde recordaberis te ipsum hos illosque cruciatus atque dolores eius, tuis grauibus peccatis atque defectibus ipsi conciliasse: indeque ob ingratitudinem tuam & vehementer tristaberis, & te coram Deo grauius accusabis. Est autem omnium optima, Deoque gratissima compassio, si tuos inordinatos affectus atque defectus in te persequaris, eosque contendas prorsus euellere radicitus à corde tuo: quod innocentissimo, benignissimoque Domino tuo, tam grauium dolorum, pœnarum, cruciatuum causa fuerunt.

Porro vt perfectum odium  
contra peccata in te excites ac  
consequaris; considera in om-  
nibus articulis Passionis Chri-  
sti Domini tui, quasi ob nullam  
causam aliam omnia ista passus  
sit, quam vt per ea in te excita-  
ret, generaretque odium con-  
tra omnia peccata, inordina-  
tosque motus & affectus tuos,  
vt extirarentur: præsertim  
contra eos, qui te præ cæteris  
infestant, maculant, distrahūt,  
diuinæque Majestati grauius  
displicent.

Denique vt ex his medita-  
tionibus de Christi Domini  
tui passione ac morte, etiam  
admirationis affectum tibi  
con-

concilies; sollicitè meditare primò quis sit qui ista passus est: nimirum summi, maximique Dei vnigenitus filius, qui pro salute tua de cælo descendit in terram, & homo factus est.

Secundò meditare ob quam causam passus sit. Nempe pro nobis miseris vermiculis, opere manuum suarum, qui ipsum semper offendimus.

Tertiò à quibus sit passus. Scilicet à vili ac truculenta turba, omniumque nationum populis.

Quartò quid passus. Opprobria, contumelias, plagas depicatifsimas, cruciatusque plures

res & atrociores quam dici possit.

Quintò quomodo passus. Sanè tam insigniter patienti, mansueto cupidoque animo, vt nulla humana mens peruestigare possit. Videlicet quod is ipse mansuetissimus, & ab omnibus derelictus Dominus in omnibus atrocissimis opprobrijs, plagis, cruciatibus suis; tam inuictam patientiam, constantemque mansuetudinem; etiam contra ingratisissimos, infensissimos persecutores suos declarauerit, vt nec vllum quidem durum verbum aduersus eos locutus sit : sed ad omnia; vt agnus mansuetus, qui ducitur



tur ad victimam, vocem cohibuerit; animo omni mansuetudine pleno.

Sextò meditare tempus & locum, quando & vbi passus; nam & ea non parvam tibi admirationem parient. Quoniam & tempore solemni Paschæ & in primaria ciuitate sancta, astante dulcissima ac dilectissima matre sua, adeoque coram toto mundo, ipse innocens Christus Dominus tuus, ista omnia, & his multò duriora passus est.

## CAPVT XXVII.

*De sensibili deuotione, & contra-  
ria ariditate ac dereli-  
ctione fidelis animæ.*

**S**ensibilis deuotio quando-  
que oritur à naturali incli-  
natione ad eam : quandoque à  
diabolo : aliàs ex Deo. A quo  
autem horum potissimum pro-  
ueniat, ex fructibus eius co-  
gnosendum est. Si enim inde  
non permoueris ad vitæ tuæ  
emendationem ; merito dubi-  
tabis anne ex diabolo, an verò  
ex naturali tua inclinatione  
orta sit : & quo maiorem ea in  
te

te suauitatem conciliat, hoc amplior erit dubitandi ratio vnde nam orta est.

Cùm ergò sentis animum tuum spirituali dulcedine repleti: ne disputes vnde profecta sit: sed nec eidem inhæreas, ac nullatenus ab agnitione propriæ tuæ vilitatis desistas: sed cor tuum ab omni eo cui adhærescit, vehementi spiritu abstrahas: nihilquæ aliud desideres vnquã nisi solum Deum, eiusq. diuinum beneplacitum. Ita fiet vt momentaneæ istæ dulcedines te non decipiant, & si vel à naturali inclinatione, aut à diabolo ortæ sint, vertantur tibi in gratiam, vti-

utilitatemq; non parvam afferant.

Ariditas quoque seu desolatio animæ oritur aut ex naturali defectu nostro, aut à diabolo, aut à Deo. Et à diabolo quidem immittitur, vt animam reddat tepidam, frigidamq;ue, & à spiritualibus exercitijs, abstractam, ad quærenda terrena solatia abducatur. Ex nobis ipsis oritur, aut propter peccatorum admissorum metum, aut ob tædium spiritualium exercitiorum. Denique immittitur à Deo, vt per eam nos excitet ad maiorem diligentiam in spiritualibus exercitijs, & à curis atque negotijs, quæ non aut  
ad



ad ipsummet Deum, aut ad ea,  
 quæ nos in ipsum dirigunt, re-  
 ferantur, absterreat : Indeque  
 nos sibi arctius vniat, pariterque  
 instruât, nec in spiritualibus  
 quidem gaudijs si eueniunt  
 quiescendum, neque ea appe-  
 tenda, sed ex solo nos ipsius  
 beneplacito pendere, viuere-  
 que debere, sicut ille qui dixit.  
*Dominus dedit, Dominus abstu-*  
*lit: sicut Domino placuit, ita fa-*  
*ctum est.*

Cum senseris ergo huius-  
 modi ariditatem animi tui, ex-  
 cita mentem tuam ad disquisi-  
 tionem causæ, vnde ea eue-  
 niat. Cognita causa, adhibe  
 prædicta arma, & pugna ad-  
 uersus

uersus eam: non tamen eo proposito vt sensibilem illam gratiam denuo recuperes: sed vt abs te remoueas quicquid oculis diuinæ Maiestatis displicet.

Adhæc sedulo cures, vt ne in ariditate ista animæ tuæ, solita tua exercitia pietatis immittas, sed maiori etiam diligentia prosequi contendas. Et quamquam tibi videaris frustra laborare, tamen animo tranquillo ac prompto bibas hunc calicem desolationis tuæ.

**N.** Si etiam is vsque adeo crassis facibus turbatæ mentis permixtus sit, vt quote omnino vertas, planè ignores: nihilo-  
minus

minus alacriter perseuera solitari-  
tarius atque desertus sub cruce  
sancta: nec quære gaudium ex-  
terius, tametsi tibi à toto mun-  
do, vel quacumque creatura  
offeratur. Celare enim debes  
hanc crucem tuam omnes ho-  
mines, præterquam tuum pa-  
trem spiritualem, cui eam fide-  
liter detegas; non tamen vt ab  
eo aliquod impetres solatium,  
sed vt te doceat, quid in hac  
tua ariditate facias iuxta be-  
neplacitum Dei.

Porro nec sacra Commu-  
nione, nec oratione neque alio  
quocumque spiritali exerci-  
tio hac intentione vtaris, vt  
in aduersitatibus tuis aliquam  
miti-

mitigationem aut consolationem accipias : sed dumtaxat eo, vt robur spiritus à Deo accipias, vt crucem tuam hanc patienter sustinere possis. Et si quandoque ob mentisurbationem aut distractionem, non poteris commodè intellectu tuo vri ad meditationes : tantum habeas ac conserues in te voluntatem bonam id faciendi : & adhibe superius notatas iaculatorias oratiunculas, seu repentinas eleuationes mentis in Deum.

Vtilius tamen tibi est, hanc crucem aridæ mentis cum humilitate & multa patientia sufferre. Quicquid enim feceris



ris aut sustinueris pro honore Dei, optima apud ipsum oratio est. Sed & in hoc verè deuotus eris: quoniam vera deuotio nihil est aliud quam cor promptum, Christum Dominum nostrum, imposita humeris nostris sancta cruce, sequendi quocumque & quacumque via voluerit: ita vt Deum solùm habeat pro Deo: & quandoque Deo, propter Deum renuntiet.

Si ergo homines, præsertim religiosi & mulieres, suam in vita spiritali ac pia deuotione profectum, iuxta hanc regulam (& non iuxta sensibilem deuotionem in quam propè

M omne

omne studium ponunt) exam-  
inarent; haud dubiè non tam  
ingrati, sine omni vtilitate a-  
buterentur sensibili deuotio-  
ne ac dulcedine, quam Deus  
ipsis propterea largitus est, vt  
maiori zelo deinceps se dede-  
rent suæ diuinæ voluntati,  
qui tantummodo propter sa-  
lutem nostram operatus est v-  
niuersa.

*NB.* Quamobrem plurimi seipfos  
decipiunt, qui cùm ab impu-  
ris abominabilibusque cogita-  
tionibus obruuntur, protinus  
pusillanimes fiunt grauer-  
que sibi timent, tamquam à  
Deo derelicti: arbitantes im-  
possibile esse, vt Deus cum  
suo

suo spiritu in mente sic turbata & obnubilata habitet. Atque in his cogitationibus semet ita inuoluunt, vt paulatim in grauem sui ipsorum displicentiam, ac quandam velut desperationem incidant. Quod cum intra seprehendunt confestim ad solitas accurrunt exercitationes, vt quietam mentem recuperent. Sed nesciunt se in hoc esse ingratos Deo, qui huiusmodi turbationes in ipsis ideo fieri permisit, vt ad agnitionem propriæ vilitatis permouerentur: indequæ vt miseræ, fragiles, desolatæ creaturæ, ad ipsum gloriosissimum Dominum Deum, condito-

rem suum ardentius, diligentiusque confugerent.

Itaque, fili, in huiusmodi aduersitate constitutus, hoc solum facito : meditare de tua ipsius vilitate, in eaque meditatione te ipsum humilia, tuosque prauos affectus intime considera. Hos namque Deus in te esse permisit, vt dignosceres quam procliuis ex teipso sis ad omne genus vitiorum: quodque sine diuina custodia, auxilio, defensione, continue ijsdem profundius immergaris.

Deinde quoque, apud te ipsum concipe spem bonam ac fiduciam in Dominum Deum tuum;



edò quod videas ac sentias,  
ipsum solùm permisisse te labi  
in hanc grauem aduersitatem,  
vt occasionem acciperes ad  
ipsum per humilem inuocatio-  
nem, orationemque appropin-  
quandi. Propterea & ipsi mox  
gratias agito pro huiusmodi  
perturbationibus: habeasque  
pro certo, prauas quasque co-  
gitationes citiùs depelli man-  
fuenta patientia, quàm sollicito  
studio eas repellendi.

## CAPVT XXIX.

*Quod ad extirpandos prauos affectus non sit efficacior medicina, quam digna sumptio sanctissimi Sacramenti Eucharistiae.*

**S**acrofanctum Sacramentum Eucharistiae, seu Communionis, varias ob causas à deuotis Christianis sumitur. Si autem tu illud sumere volueris pro medicina seu robore spiritus contra tuos prauos affectus; attende diligenter ad ea quæ te iam docebo.

Pridiè namque ad vesperam prius-

priusquam mane sequenti ad  
 sacram Communionem acce-  
 das; si tātum temporis habeas,  
 meditare de immenso deside-  
 rio, quod Christus Dei filius  
 apud se habuit, vt per huius Sa-  
 cramenti sumptionem tibi vni-  
 retur, omnesque prauos affe-  
 ctus tuos ex te radicitus euelle-  
 ret. Hoc namque desiderium  
 eius tam feruidum, tamque  
 copiosum fuit, vt à nullo hu-  
 mano intellectu comprehendi  
 possit.

Vt autem in aliquam eius co-  
 gnitionem peruenire queas,  
 duo hæc tibi suscipias meditan-  
 da. Prius, quantæ voluptati  
 Deo sit habitare in nobis: cum

scriptura S. id appellet delitias Dei, dicens. *Delitia mea esse cum filiis hominum.* Vnde & ipse cor nostrum ad inhabitationem suam deposcit, vbi dixit: *Fili, prabe mihi cor tuum.* Posterius quod meditaberis, sit, quantopere Deus oderit peccata nostra; quod ea ipsius cum nobis vnionem impediunt, suæque incomparabili perfectioni planè aduersentur. Nam cum ipse summum sit bonum, clarissimum lumen, & desideratissima pulchritudo; non potest non vehementissimè odisse peccatum, quod nihil est aliud quàm tenebræ, fragilitas, corruptela, & immunditia mise-



ræ animæ nostræ.

Verùm vt hoc Domini Dei  
tui desiderium menti tuæ al-  
tius imprimere queas; medita-  
re frequenter de mirabilibus  
eiusdem operibus in veteri &  
nouo Testamento. Præsertim  
de amarissimæ passionis ac  
mortis eiusdem Christi Domi-  
ni nostri operibus: quæ eò dun-  
taxat suscepit, vt nos à pecca-  
tis nostris, & ab omnibus ipsi  
contrarijs, affectibus redime-  
ret, expurgaret, semperquæ  
seruaret. Qua de re omnes à  
Deo illuminati Ecclesiæ Do-  
ctores cæteri quæ pij vnanimi-  
ter concludunt ac docent:  
Christum Dominum Deum  
no-

nostrum si necesse foret, non intermissurum denuò ac milles mori & quidem morte acerbissima, vt nos à minimo etiam affectu prauo redimeret.

Ex huiusmodi meditationibus facile intelliges ingens desiderium, quod Dominus Deus tuus habet ad habitandum tecum. Et hinc poteris cum his aut similibus iaculatorijs orariunculis, feruens desiderium ipsum suscipiendi, etiam in te excitare. *O Domine Deus meus veni, & adiuna hanc miserabilem creaturā vincere hostes suos. O Deus meus, quando veniet illud optatissimum tempus, vt à te*  
quā

*qui es panis viuus, confortatus,  
subijciam atque deuincam in me  
omnes prauos atque inordinatos  
affectus meos?*

Vbi ergo per spem aduentus  
Domini Dei tui in animam  
tuam, non nihil confortatus  
es; tunc prouoca ad certamen  
passiones, affectusque tuos, &  
iuxta regulam superius tradi-  
tam, iterum iterumque eas per-  
fecto odio abs te repelle. Dein  
excita in te desiderium illarum  
virtutum, quæ his vitijs repu-  
gnant. Quæ quidem vesperi  
pariter & mane postquam sur-  
rexeris, facito.

Appropinquante autem hora  
sumendi S. Sanctam Commu-  
nionem;

nionem; paulo antea meditare de lapsibus, erratis, ingratitude tua in Dominum Deum tuum, quæ à tempore præcedentis sumptionis S. Sacramenti, iniquè perpetrasti. Ob quam ingratitude & indignitatem tuam, præ timore ac confusione sancta metuas ad Dominum tuum accedere. Sed protinus te ipsum, ex meditatione propensissimæ bonitatis ac misericordiæ eius, iterum in spem erige ac consolare: piè confidens ipsam, non attenta indignitate tua, abs te velle sumi: atque hac piâ fiducia confortatus, alacri spiritu ad S. altare concedas, ipsumquæ  
Do-



Dominum Deum tuum, in te  
latus suscipias.

Communione autem sacra  
sic sumpta, diligentissimè te  
concludas in intima cordis tui,  
& ostende Domino Deo tuo  
fragilitatem tuam, & dic in  
corde tuo: *O mi Deus vides  
quantopere ab hac passione seu  
pravo affectu occupatus sim. Vi-  
des quoque ac scis bene, mihi esse  
impossibile, ut eum à me ipso eucl-  
lam. Proinde hanc meam pugna  
contra eundem in manus tuas re-  
signo atque commendo, & à te so-  
lo victoriam expecto.* Histacite  
dictis, verte cogitatum tuum  
ad cælestem Patrem, ei que hūc  
suum filium, ob eam maximè

N cau-

causam, propter quam eum  
iam in S. Sacramento sumpsi-  
sti, piè offeras ab eoque con-  
stanti fiducia auxilium expe-  
ctes. Qui licet te confestim non  
iuuet, faciet tamen & tardita-  
tem hanc suam affatim copio-  
sè tibi cùm necesse fuerit, re-  
fundet.

## CAPVT XXX.

*Quomodo per eiusdem S. Sacra-  
menti Eucharistiæ sumptio-  
nem affectum amoris in nobis  
excitare possimus.*

**S**I optas per sacram com-  
munionem in te excitare  
affe-

affectum amoris in Deum; qui  
suo feruore omnem volunta-  
tem propriam in te absumat:  
pridie ad vesperam suscipias  
meditationem de immensa ac  
ineffabili dilectione Domini  
Dei tui erga miserum ac indi-  
gnum te, opus manuum sua-  
rum. Nimirum, quòd non con-  
tentus fuerit, te ad imaginem  
ac similitudinem suam ex ni-  
hilo condere: suumque vnige-  
nitum filium in miserabilem  
hunc mundum (vt totos tri-  
ginta tres annos, & quod ex-  
currit; per labores, molestiasq;  
multas, tandemque per igno-  
miniosissimam passionem ac  
mortem, tibi in corruptione

malitiaque tua seruiret ) cœlitus mittere ; sed vltra hæc omnia idem ipse Dei filius suum verum, sacratissimumque corpus in sanctissimo hoc Sacramento ; tibi in salutarem cibum gratissimamque refocillationem perpetuò reliquerit.

Vt autem ex hoc peculiari sanctæ Communionis dono, te in ardentem ignitumque amorem commutare possis ; sic ferè meditationem de eodem institues. Principio considera- bis quis ille sit, qui hoc pretiosum tibi donum benignè contulit, nimirum ipsemet Dominus Deus tuus, increata illa sapientia, quæ finem nescit : cuius  
ius



ius excelsa dignitas atque perfectio omnem humanæ mentis intelligentiam longè, lateque superat.

Dein meditare de ipsomet sacratissimo hoc dono quòd sit ipse verus ac vnigenitus Dei filius, vnus eiusdemque cum Deo Patre & Spiritu sancto excelsitatis: naturæ atque substantiæ. Iam si munus exiguum, à manu Regis alicuius donatum nobis summopore gratum, acceptumque est, propter eum qui donauit: quanto gratius nobis esse debet illud incomparabile donum, quod Deus est, & ab ipsomet Deo, in ostensionem suæ immensæ

erga nos dilectionis donatum  
atque relictum.

Uterius mentem tuam eleua  
ad meditationem æternitatis  
dilectionis huius, qua ipse  
Deus ab æterno incensus in  
diuinissimo secretissimo & im-  
perscrutabili suo consilio de-  
creuit, quòd seipsum tibi in ci-  
bum dare vellet. Et hæc ita  
meditans protinus incipias hi-  
lari mente, lætissimoque iubilo  
intra temetipsum cantare, &  
dicere: *O aterna Sapientia tu*  
*me miserum vermiculum ab omni*  
*æternitate tãtopere dilexisti; ut*  
*tu Dominus ac Deus meus, mei*  
*indigni memineris, ardentissimo-*  
*que amore ac desiderio teipsum*  
*mibi*

*mihî in cibum dare dignatus sis.*

Tandem verte cogitatum tuum ad vnitatem dilectionis quam erga te vilem tam potens ac magnificus Dominus declarauit atque exhibuit. Quæ sanè tam immensa est, vt nulla dilectio terrena cum ipsa vniquam comparari possit. Eritque ea tibi etiam hoc charior, quòd eam tibi donauerit non ob aliquam vtilitatem suam; neque ob merita vlla tua, sed ex sola misericordia ac bonitate sua.

Postquam ergo hæc in corde tuo diligenti studio, feruentique affectu ac zelo meditatus es, poteris intra teipsum in hæc

verba tacitè erumpere. O Domine Deus meus qui sit, ut me vilissimam creaturam tantopere diligas? O Rex gloria, cur me tibi sic copulas, qui nihil aliud sum quam abiectum stercus, & inutilis cinis. O Domine Deus meus, ex hoc igneo, ardentiq; amore tuo facile agnosco te propter me solum ista prestare. Indeque etiam agnosco & experior puritatem dilectionis tuæ, quòd eam propterea erga me declaras, ut & ego vicissim omnem meum amorem tibi donem. Itemque, te mihi te ipsum donasse totum, ut & ego me ipsum tibi offerrem totum. Et hoc non propterea quod tu mei indigeas, aut aliquam ex me utilitatem  
expe-



*expectes . sed ob solam utilitatem  
meam . Videlicet ut per hanc sa-  
lutarem iucundissimamque unio-  
nem, ego, vilitasque terreni cor-  
dis mei, tecum (ô Deus meus)  
unum cor diuinum fieret.*

Hæc omnia ubi serio medi-  
tatus fueris ; mox te humiliter  
totoque mentis affectu ac desi-  
derio offeras ac dedas volun-  
tati beneplacitoque omnipo-  
tentis Dei: semperque in te re-  
tineas feruens desiderium  
ipsius diuinæ voluntati pla-  
cendi. Et cum tale desiderium,  
amoremque in te excitaueris,  
accenderisque ; etiam Domi-  
num Deum tuum ad tantum  
tui amorem permouebis, ut &

ipse desideraturus sit, quo tu  
sequenti mane cor tuum ipsi  
aperias, ut ad te ingredi, tecum  
cœnare omnesque delirias te-  
cum habere possit. Declarabis  
autem tuum mutuum deside-  
rium erga ipsum, hac ferè ia-  
culatoria oratiuncula. *O cele-  
ste, diuinumque Manna, quan-  
do veniet illa optatissima hora,  
qua ego te iuxta beneplacitum  
voluntatis tue intra me susci-  
piam? Quando persingeram cha-  
ritatem tibi verè uniar? Quando  
propter te, ô unica vita animæ  
meæ, omnem propriam volunta-  
tem, omnemque imperfectionem  
meam derelinquam, & à me ex-  
cludam.*

His,

His, alijsque similibus orationunculis ac meditationibus poteris vespere & mane desiderium sumendi hoc sacratissimum in te excitare, fouere & augere, vt gratum Deo praestes obsequium, & cum ipso feliciter vniaris. Inter hæc autem diligenter quoque curabis, vt omnes facultates, potentias, vires animæ tuæ puras ac liberas serues ab omni curiositate rerum terrenarum, omnibusque cogitationibus otiosis ac vanis, præterea & sensus tuos exteriores custodias, ne per eosdem cor tuum disturbetur: vnde omnem deuotionem tuam amittas.

Sumpto autem hoc salutari  
sacramento, confestim accu-  
rato studio te ad intima cor-  
dis tui recipias: ibique cum  
Domino Deo tuo his, aut simi-  
libus verbis amanter, reue-  
renterque loquere. O Rex Re-  
gum Domine, quid est quod tu  
iam ad me, qui nihil nisi misera,  
despicabilis, vilis, ceca & nuda  
creatura sum, ingressus es? Tunc  
respondebit ipse tibi & dicet:  
Tu es columba mea dilecta, ami-  
ca mea, soror mea, sponsa mea  
& dilecta mea. Ad quæ & tu: O  
increata dilectio, ô dulcissima  
dilectio, ô amicissima ac clemen-  
tissima dilectio, quid postulas à  
me? quid desideras? Nihil aliud  
peto,



peto, dicet tibi, quam dilectionem: nullum alium ignem in terra cordis tui ardere volo, quam ignem amoris mei, qui omnem alium amorē in te absumat, tuamque propriam voluntatem prorsus exurat. Hunc, hunc desidero, quandoquidem aliud nil velim, quam ut ego tuus sim, & tu vicissim totus sis, permaneasq; meus. Sed hoc fieri non poterit, donec iuxta beneplacitum meum te mihi totum tradideris. Nam absque eo semper inherebis amorī ac beneplacito tuo proprio in omnibus actionibus tuis, etiam minimis. Desidero, dicet, odium tuū ipsius ut meam tibi dilectionem donare possim: desidero cor tuum ut illud

*inhabitem, meoque cordi copulem ac uniam: propterea namque cor meum in ara Crucis mee apertum est. Volo, inquam, dilectissima mea, ne quid aliud desideres, nihil mediteris, nihil intelligas, videas, sentias, nisi me ipsum solum: ut & ego in te solus sim, tuque in me conuertaris, & in me quidem tu habeas perfectam beatitudinem, ego vero in te beneplacitum.*

Tandem offeres cælesti Patri suum proprium filium, pro te, totoque mundo, & animabus fidelium defunctorum. Poteris quoque in eius memoriam & simul cum oblatione, qua se ipsum cruento modo  
cūm

cùm penderet in ligno S. Crucis, obtulit, omnes sacras oblationes, quæ illo die toto per vniuersam Ecclesiam Omnipotenti Deo offeruntur, pariter offerre.

## CAPVT XXXI.

NB.

*De spirituali Communione.*

**D**ilecte fili, tametsi tibi per diem semel dumtaxat sumere liceat Dominum Deum in Sacramêto; tamen spirituali sumptione poteris singulis horis atque momentis participes fieri: ab hac enim sumptione nulla te creatura, præterquam

quam tua ipsius negligentia ac culpa, impedire potest. Quinetiam hæc spiritualis cōmunio tibi nonnumquam vtilior esse poterit quàm Sacramentalis; præsertim si te ad hanc non satis diligenter ac piè præparaueris.

Quamobrem quoties propolis spiritualiter communicare, teque eò præparas; semper inuenies filium Dei ac Dominū tuum paratum, suis te manibus proprijs spiritualiter cibandi. Ad hanc autem spirituale Communionem sic te ferè præparabis: Conuerte animum tuum hac intentione ad Deum, tuamque fragilitatem



tem atque defectus meditando in memoriam reuoca, & simul de ijsdem veram ac intimam contritionem doloremq; concipe : moxque amanti corde Domino Deo tuo supplica, vt fragilem tuam animam ingredi, teque suo vero corpore ac sanguine per seipsum cibare non dedignetur.

Similiter, cùm vehementi zelo aliquam in te prauam ac molestam passionem mortificare ; vel è contrario alicuius virtutis actum exercere volueris : teipsum prius hoc modo spiritualiter communica. Ver-te cogitatum ad Dominum Deum tuum, ipsumque arden-  
ti

ti prece inuoca, vt ad intima  
cordis tui ingredi dignetur.  
Aut recorderis saltem prioris  
Sacramentalis **C**ommunionis,  
& feruenti desiderio ad ipsum  
dicito: *Domine Deus meus quā-*  
*do te demum in intima animæ*  
*meæ suscipiam? O Deus meus, ve-*  
*ni etiam nunc virtute pari in me*  
*spiritualiter, & adiunna.*

**CAPVT XXXII.**

*De gratiarum actione.*

**V**Niuerſa quæ facimus bo-  
na, à Deo proueniunt, &  
ipsius ſunt: Idcirco & ipſi  
ſoli gratias agere debemus  
pro

pro omnibus spiritualibus exercitijs, & pro obtenta victoria contra hostes nostros : quemadmodum quoque pro reliquis beneficijs omnibus, quæ aut nobis solis benignè contulit, aut sunt nobis cum alijs communia.

Vt autem & hoc legitimè præstare possis, memineris præcipuam causam, cur Omnipotēs Deus sua nobis dona benigne conferat, hanc esse; vt ipsi piè, rectè ac dignè agamus gratias. Cumque is ipse Dominus Deus noster, in beneficiorum omnium largitione, prius ac potius suum spectet honorem: deinde vtilitatem nostram :  
idcirco

idcirco & tu in omnibus acceptis beneficijs agnosces primò ipsius Dei Omnipotentiam, Sapientiam, & immensam bonitatem, quæ in cunctis eius beneficijs gloriosè relucet.

Dein meditare nihil in te esse dignum tantis Dei beneficijs: sed tua omnia esse ingratitudinem, miseriam, extremamque vilitatem. Tandem ergo exhibe te obedientem suæ diuinæ voluntati, & stude implere, quæ per ista beneficia Deus abs te postulât: videlicet vt ipsum præcipuè ames, ipsique diligentius seruias, & totum liberè offeras ac dedas: sicut iam plenius docebo.



## CAPVT XXXIII.

*De perfecta suiipsius oblatione.*

**P**OST gratiarum actionem pro beneficijs acceptis statim prorumpit anima in dulcem illum affectum Davidis: *Quid retribuam Domino pro omnibus quæ retribuit mihi?* Vt ergo quadamtenus satisfacere possis, offerendo Deo tuo totum id quod es, habes, aut potes, idque ex integra, plenissimaque voluntate, & efficaci actu interioris hominis.

Considera primò profunda attentione magnitudinem, & maie-

maiestatem Dei tui (ab hac enim consideratione pendet perfecta tui ipsius oblatio) & inuenies magnitudini eius deberi reuerentiam, & timorem; Bonitati verò amorem; Misericordiæ autem eius spem, & fiduciam; atque ita de reliquis eius perfectionibus, & attributis: Et congratulaberis eidem Deo tuo, quod sit id quod est, nimirum optimus, maximus, sapientissimus, sanctissimus, omnipotens, infinitus, quodque omnia habeat quæ habet: compluresq; actus amorosæ huius complacentiæ intus in corde tuo multiplicabis.

Dein-

Deinde, profundissima reuerentia flectes genua cordis tui, totamque corpus inclinabis Deo tuo, ipsum adorans, & tamquam supremum Dominum agnoscens omnium creaturarum; Specialius autem considera, quia totum quod es per naturam, & per gratiam, ipsius est proprium: quoniam ipse solus totum hoc tibi concessit, & solus hoc in te conseruat; hinc enim semper te debitorem agnosces, quantumuis magna ipsi offeras: siquidem nihil poteris illi dare, quod non sit ipsius, & ab ipso prius tibi donatum; cuius dominium non potest amittere, etiam

etiam tum, cum in tè transtu-  
lerit.

Tertiò. Ab illa cogitatione  
accede statim ad oblationem,  
& hilariter, ac reuerenter tra-  
de in manus Dei tui quicquid  
habes, aut potes ipsi offerre;  
omnia scilicet quæ ipse tibi  
prius dedit, atque ita te ipsum  
restitues Deo tuo in perpe-  
tuam seruitutem, vt de te sta-  
tuat quicquid voluerit, siue in  
tempore, siue in æternitate.  
Nec solum generatim offeres  
Deo tuo radicem, ac princi-  
pium omnium cogitationum,  
loquutionum, & actionum  
tuarum: Sed sigillatim eas om-  
nes ( quas ratione tui status  
exer-



exercere teneris ) offeres in honorem & gloriam sanctissimi nominis eius.

Vltimò vnies, & coniunges hanc tui ipsius, rerumque tuarum oblationem, cum meritis dulcissimi sponsi animæ tuæ Iesu Christi, vt ab ipso valorem & pretium accipiat, quoniam à te ipso solo nullum habere possunt. Consummabis igitur oblationem tuam, simul cum teipso offerens æterno Patri merita vnigeniti Filij eius, omnesque labores, quos exantlauit ab ipso præsepi usque ad crucem: omnia enim quæ ille egit & passus est, tuæ sunt opes, tuæ diuitiæ, quas  
 O ille

ille moriens testamento suo tibi reliquit, tamquam hæredi meritorum suorum. Memineris autem hæc omnia non pro teipso dumtaxat offerre: Sed etiam pro vniuersa Ecclesia, & membris illius: sic enim acceptabilior erit Deo oblatio tua charitatis incenso sociata.

Similiter cum ieiunia, orationes, aliaque opera bona Deo offerre volueris; considera primum quod Filius Dei, ista opera tua vna cum suis antea obtulerit Deo, & sic vtraque coniunxerit atque vniuerit: quamobrem & tu eadem sic offeras ac dones cælesti Patri.

Inde

Inde namque intelliges oblationes tuas è puro ac sincero corde proficisci. Et si tempore tribulationis huiusmodi oblationes feceris; per facile omnem angustiam, dolorem, miseriam atque pericula superabis, & Dei voluntatem rectissime implebis.

Si vero Christi Domini nostri opera, caelesti patri suo pro delictis tuis offerre volueris, sic te geres. Principio aliquantulum considera peccata tua, & ubi cognoueris te caelestis Patris iram per teipsum sedare, eiusque iustitiæ satisfacere non posse; accurre ad vitam, passionem & mortem Christi

Domini nostri & vnum aliquod ex istis, vitæ aut passionis meditare. Videlicet, quomodo ipse ieiunauerit, aut orauerit, aut sanguinem fuderit; tunc intelliges quomodo ipsemet Christus, tale opus, seu dolorem suum pro peccatis tuis, ad reconciliandum Deum tibi, obtulerit, dicens: *O micælestis: Pater, iam plenè satisfacio tuæ diuinæ iustitiæ pro peccatis huius serui tui N. & oro tuam diuinissimam Majestatem, ut parcas ei, & assumas eum in consortium electorum tuorum.* In hac autem meditatione etiam & tu offeras cælesti Patri, istam oblationem vnigeniti Filij eius ipsum.



ipsumque pro te & alijs hominibus ora, vt propter oblationem hanc ac nominis sui gloriam benignè tibi & alijs condonet peccata vestra. Eandem spirituales exercitationem vtiliter facere poteris in quolibet opere ac mysterio, quod Christus Dominus noster in hac vita operatus est.

## CAPVT XXXIV.

*De petitione gratiæ.*

**P**ostquam æterno patri obtuleris pretiosissimum thesaurum sanguinis, & meritum Christi: confidenter poteris ab ipso postulare, quæcumque fuerint necessaria: sed vt hoc decentiùs præstes.

O ;

Pri-

Primò excita in teipso fiduciam ex recordatione summorum beneficiorum quæ à liberali manu Dei accepisti : nihil enim maiorem fiduciam præstat noua beneficia impetrâdi, quàm illius immensæ recordatio liberalitatis, qua Deus in necessitatibus præteritis tibi succurrerit: ab ista autem fiducia pendet tota petitionis tuæ efficacia, & sine ea nihil potest à Deo obtineri.

Secundò: Cura diligenter vt hanc fiduciam summa comitetur humilitas; ita vt paucitati, & paruitati meritorum tuorum diffidas, benignitati autem, & liberalitati Dei meritisque

ritisque dulcissimi sponsi tui  
 Christi magnanimiter innita-  
 ris. Nec tamen præ humilita-  
 tis specie fias pusillanimis, &  
 formidolosus, nec grandia  
 beneficia à Deo postulare me-  
 tuas: quamvis enim æquum sit  
 miseriam tuam agnoscere, &  
 quàm parùm aut nihil me-  
 rearis: non est tamen despe-  
 randum de diuina bonitate,  
 nec tenuiter aut viliter de eius  
 largitate sentiendum; non est  
 despondendus animus, quia  
 si parum merearis, tanto me-  
 liorem occasionem adeptus  
 es multa petendi: dona enim  
 Dei non fundantur in tuis me-  
 ritis, sed in meritis Christi,

quæ sunt infiniti valoris & dignitatis.

Tertiò conare petitionem tuam crebris, feruorosisque desiderijs sociare: nempe ut ardentè desires obtinere quod petis: quoniam enim à pietissimo patre quæ tibi necessaria sunt, postulas, quique non solum iubet ut petas magna sed etiam irascitur si non petas, & pollicetur daturum se quæcumque petieris: non desint tibi flammigera desideria obtinendi ea quæ à tam liberali patre postulas. Plerumque enim ideo non obtinemus quòd perimus, quia non magnopere desideramus obtinere:



re: sed petimus solum tepida voluntate, quia ratio & fides dictat esse necessaria quæ petimus, non quia multum cupimus ea à Deo accipere cuius rei causa est, quia affectum voluntatis in terrenis figentes, quæ intellectu contemnimus, voluntate magni facimus: atque ita licet iudicemus, animū esse ab illis ad altiora eleuandum, non tamen cupimus ab eis separari. Quod si illud vehementer & veraciter, & ex animo desideraremus, statim petitiones nostræ effectum fortirentur.

Tandem curandum tibi est, ut petitioni tuæ desit: i. affectus

ctus charitatis erga proximos:  
non enim sufficere tibi debet  
quòd pro teipso feruenter pe-  
tas, sed erga alios omnes affe-  
ctum obtinendi diuinam gra-  
tiam extende. 2. non desit  
perseuerantia, solet enim Deus  
differre, & prolongare peti-  
tionis nostræ adimplerionem,  
ad maiorem vtilitatem no-  
stram, vtque in nobis crescant  
magisque ferueant sancta de-  
sideria sicut in Cananæa, &  
vidua Euangelica contigit. 3.  
non desit resignatio propriæ  
voluntatis, quatenus ita desi-  
deria cordis tui Deo repræ-  
sentes, vt magis in eis diuinæ  
voluntatis, quàm tuæ bene-  
placitum

SPIRITVALIS. 251  
placitum expectes: sicut Chri-  
stus in horro petijt, non vt fie-  
ret voluntas sua, sed æterni  
patris sui.

CAPVT XXXV.

*Pro modo deuotè meditandi  
quædam annotatiun-  
cule.*

I. **A**Ntequàm in lectulo  
sub noctem decum-  
bas, mysterium vitæ Christi  
Domini, aut argumentum  
quodcumque pium quod se-  
quenti die meditari proponis,  
attentè & consideratè perlege:  
& in duo vel tria puncta seu  
par-

particulas diuide, memoriae-  
quæ fideliter commenda.

2. Expergefactus, nulli alteri  
cogitationi vaca, sed cura vt  
prima cogitatio sit de eo quod  
tibi in meditatione ruminan-  
dum proposuisti; repetas ergo  
puncta quæ nocte præcedenti  
paraueras, & cogita quod sta-  
tim cum Deo tuo colloqui de-  
beas.

3. Quare vno, aut altero gra-  
du subsistens, antequàm ad lo-  
cum orationis venias, per in-  
teruallum quo possit bis dici  
pater & Aue; imaginare ipsum  
Deum, quem adorant Angeli,  
præsentem in oratorio te ex-  
pectare, vt ad colloquium cum  
ipso



ipso in eundem accedas, & intneri penitus omnia quæcumque facis aut factururus sis inter orandum. Conare hanc veritatem firmiter animo tuo imprimere, nempe quòd Deus tuus sit ibi in oratorio reuera præfens, & profundam illi reuerentiam ipso corpore, & corde exhibe tanquam licentiam humiliter postulans cum ipsius maiestate colloquendi.

4. Positis genibus in loco orationis, offer Domino Deo omnes cogitatus, verba, & opera, quæ in omni vita tua sis habiturus: speciatim autem ea, quæ in præfenti orationis

P

exer-

exercitio habere proponis, ut cedant ad ipsius honorem: & pete gratiam, qua possistan-  
ta cum attentione, deuotione, & reuerentia exercitium tuum peragere, sicut oportet eum, qui cum Deo colloquitur.

5. Statim teipsum imaginare præsentem mysterio, quod proponis ruminare, locoque in quo contigit: sic enim cogitatio tua ab omni diuagatione stabilietur, certo quasi palo religata. Exempli causa, si meditaturus sis de incarnatione Christi, cogitate præsentem adesse colloquio Angelico; & in secreto illo cubi.

cubiculo videre, & audire Archangelum cum sanctissima Virgine sermones mutuos habentem; Si de flagellatione Christi futura sit oratio, puta te coram videre Christum Dominum columnæ alligatum, & inhumanos illos carnifices ipsum flagellis crudeliter cædentes, & hæc mysterij conformatio pro modo mysteriorum varianda est.

6. Inspecto ita mysterio, & ante oculos mentis posito petes à Deo auxilium, vt ex hac oratione haurias id, quod cupis: & ex meditatione incarnationis dominicæ, lucem

postula spiritualem, qua clarè penetres & intelligas ineffabilem amorem qui eum mouit, vt pro te homo fieret; Ex consideratione passionis pete gratiam compatiendi, ac condolendi cum Christo: atque ita varios affectus postulabis, prout argumentum orationis tuæ admonebit.

7. Hinc iam à primò puncto incipies; & siquid in eo inuenias, quod affectum moueat, in eo perseuera, donec expleueris tempus exercitio tuo assignatum: sin in primo puncto non inuenias affectum, quem velles, aggredere secundum punctum. Et vt summatim



tim dicam, in quacumque consideratione proposita reperiās exardescere pium affectum, in illa ruminanda immorandum tibi est; nec ulterius progrediendum, donec in illo affectu deuotioni tuæ satisfeceris.

8. Non permittas intellectum curiosè considerationes altas, aut delicatas prosequi; sed eatenus solum discursu eius utere, quatenus sufficiat ad inflammandā voluntatem, pioſque in ea affectus, & bona proposita excitanda. Ideoque ex omni consideratione affectum elice, ex omni affectu sanctum aliquod propositum determi-

P ;      natè,

natè, & particulariter educito  
ut scilicet, hoc vel illud eo die  
in honorem Dei facias, hoc vel  
illud vitium emendes, in hac  
vel illa re te ipsum mortifices.  
Hic enim omnis fructus est  
orationis.

6. Statuas firmiter apud te-  
ipsum, integrum tempus ora-  
tioni assignatum in ea insu-  
mere: nec, nisi plenè elapso  
tempore, ab oratione exurgas,  
quantumuis aridum te expe-  
riaris, quantumuis inuenias te  
varijs distractionibus impu-  
gnatum: plerumque enim ta-  
lis oratio in eo qui diligenter  
resistit, & patienter gratiam  
deuotionis expectat, securior  
est,

est, maiorisq̃ue meriti, quàm si magna deuotionis suauitas sentiretur.

10. Peracta oratione, paulisper teipsum examina, quomodo te inter orandum gesseris & si benè, gratias agas Deo, sin negligenter, proponas emendare, & notes causam cur malè successerit, vt ab ea in posterum caueas.

11. Exercitia, seu mysteria quibus ruminandis teipsum exerces, sint ordinata, vt scilicet ab incarnatione Domini incipiens, inde suo ordine totam Domini vitam percurras non vero inordinatè, & per saltum, modo hoc myste-

rium modo illud incerta electione assumens.

CAPVT XXXVI.

*Exercitium ante sacram Communionem.*

1. **C**onformatio loci ad stabilendam mentem sit, vt imagineris Christum Dominum, multitudine Angelorum stipatum, coram oculis animi intueri, & omnes illas angelicas, & beatas mentes ipsum adorantes maxima cum reuerentia.

2. Pete humiliter, quandoquidem iam dignetur ad hospitium



ge aciem mentis tuæ in solum  
Deum purè, liberè, & quietè,  
absque omni tumultu extra-  
nearum cogitationum, & in-  
uocato reuerenter spiritu san-  
cto, recita hymnum Ecclesiæ  
*Veni creator spiritus &c.*

Cum autem teipsum indue-  
re paras sacris vestimentis,  
confidera attentè mysteria,  
quæ singulis vestibus signifi-  
cantur: & deinceps ab eo tem-  
poris articulo, assume in te  
personam Christi, quem in  
hac sacra actione repræsentas,  
vt ita coneris omnes actiones  
externas & internas confor-  
mare personæ, quam geris.

Quantum quidem ad com-

positionem externam, cura ex  
sacrario egredi, vestimentis æ-  
qualiter & decenter fluenti-  
bus, incessu graui, vultu sere-  
no, oculis dimissis, nihil om-  
nino attendens eorum quæ in  
Ecclesia geruntur: Voce vtrius-  
que demissa, graui, sedata:  
non præcipitanter, sed nec  
syllabatim, verum decenti  
pausa verba sacra relegens, &  
sanctas ceremonias ornatè &  
tempestiuè peragens: singula  
attentè perficiens, in canone  
præsertim, & maximè cum ad  
verba consecrationis peruene-  
ris.

Quantùm autem ad interio-  
rem compositionem: cum ad  
alta-

altaris gradus accesseris, propone tibi ante oculos mentis Christum sponsum ac Dominum tuum in excelso throno gloriæ & maiestatis circumstipatum Angelis & beatis spiritibus qui iamiam descensurus est è throno ad altare, ut animam tuam pauperulam ditet immenso diuinitatis suæ thesauro: & ex tantæ maiestatis intuitu recognosce vilitatem, & nihilitatem tuam, atque ita teipsum interius, exteriusque profundè humilians, inchoa sacrificij actionem: & hanc præsentiam Christi in throno suo sedentis, & deuotionem tuam intuentis conserua

serua vsque ad consecrationem, qua peracta, habes ipsum deinceps in altari, & intra manus, & quasi amplexus tuos sacramentaliter praesentem.

In priore memento, ita te ipsum geres. Intueberis spiritualiter in corde tuo Christum Crucifixum, & in ipsius plagis mellifluis omnes necessitates tuas, omnemque indigentiam tuam depones. Et primam ad sanctissimum caput ipsius offeres missam, quam facis ad honorem aeternum beatissimae Trinitatis, & ad gloriam accidentalem Matris Dei, Angeli custodis, & sanctorum, quos in protectores & patronos  
tuos



pitium animæ tuæ diuertere,  
 vt omnia ornamenta ad ipsum  
 dignè excipiendum necessaria  
 præmittat, quoniam tua pau-  
 pertas nihil ipsius maiestate  
 dignum præparare possit.

3. Considera, quis sit ille, qui  
 ad te venit excipiendus, ille  
 nimirum qui ab angelo voca-  
 tus est Iesus, hoc est Saluator  
 generis humani; ille in quo v-  
 no repositum habes remedium  
 vulnerum tuorum: ille cui tan-  
 to opere insedit amor & cura sa-  
 lutis tuæ, vt ipse personaliter  
 venerit ad eam procurandam  
 suamque interposuerit autho-  
 ritatem, cum periculo hono-  
 ris, & vitæ suæ, vsque ad igno-

miniam crucis in qua pepen-  
dit clavis distentus, plagis di-  
laniatus, & cruore suo purpu-  
ratus. Et in hac consideratio-  
ne multum insiste, est enim  
propria Sacramento huic re-  
cipiendo, iuxta ipsius Domini  
præceptum: *Hæc quotiescum-  
que feceritis in mei memoriam  
facietis.*

4. Considera quid factur<sup>us</sup>  
accedat ad te Dominus tuus:  
nimirum, vt operetur in ani-  
ma tua, vnionem tui cum ip-  
sius maiestate, ex qua vnione  
resultabit vita quædam diui-  
na, quam deinceps Christo v-  
nitus, viues. Cibus enim eius-  
dem qualitatis humores gene-  
rat

rat qualis ipsemet est: ideoque  
cibus hic diuinus, non est mi-  
rum si animam quodammodo  
deificet: *Qui manducat me vi-  
uet propter me*, inquit ipse Do-  
minus.

5. Considera ad quem veniat  
Dominus tuus: ad vermicu-  
lum terræ, ad vas corruptione,  
& putredine repletum: & for-  
tasse (quod indignius est) ad  
inimicum suum, ad contem-  
ptorem legum, & mandatorum  
eius, ad vilem transfugam, qui  
partes Dei reliqueris pro ca-  
stris diaboli.

6. Humiliter igitur supplica  
benignissimo Domino, vt quo-  
niam ipse sua sponte, non

tuis meritis dignatur à te in Sacramento accedere, dignetur etiam te gratia sua præuenire, donis spiritus sancti adornare, vt dignum fias corporis eius sacri receptaculum: sicut simili præuentione in venerabili virginæ matris vtero domicilium sibi præparauit.

## CAPVT XXXVII.

*Modus deuotè offerendi sacrificium Missæ.*

**P**Ræcedenti meditatione, vel alia simili inflammatus, eijce, ac semoue à corde tuo res omnes sensibiles, & fige



tuos assumpſisti & totius curiæ  
cæleſtis: quos omnes ſimul  
coniunges in vulneribus vene-  
rabilis capitis Domini tui: ora-  
biſque eos, quandoquidem tu  
in hac valle lachrymarum con-  
ſtitutus conaris ipſorum glo-  
riam augere, vt ipſi in patria  
cæleſti tui memores eſſe di-  
gnentur, & particulariter vt  
tecum offerant Deo principa-  
lem huius Miſſæ intentionem.  
Ad vulnus manus dexteræ ora-  
bis pro vniuerſo ſtatu eccleſia-  
ſtico, pro Pontifice, Cardina-  
libus, Episcopis, & Paſtoribus  
populi Chriſtiani, pro ſtatu  
religioſorum, & monialium,  
& prælatis eorundem, pro  
qui-

quibus omnibus deuotè offeres hoc sacrificium. Ad vulnus manus sinistrae, offeres sacrificium hoc pro statu laicorum, pro regibus, & principibus ac magistratibus, populoque vniuerso: & specialiter pro parentibus, & amicis, alijsque secularibus qui se tuis orationibus commendauerunt. Ad dulcissimum cor Christi teipsum solum Deo offeres, vitam antea actam illi humiliter representans, vt misericorditer condonet; & praesentem, vt eam sua gratia dirigat: omnes item necessitates tuas spirituales, & corporales, valetudinem, tentationes, desideria, occasionesque

que ipsi manifestans omnes cogitationes, verba, opera futuræ vitæ ipsi in honorẽ æternum eius consecrans: ac denique totum teipsum in ipsius prouidentiam fiducialiter, ac reuerenter resignans de cætero securus, quando quidem in eius manus res omnes tuas traderis, qui melius, & diligentius tuum commodum curaturus sit, quàm tu ipse petere, aut sperare potueris. Ad vulnus dextri pedis offeres Missam pro omnibus, qui in gratia, & charitate Dei persistunt, orabisque Deum, vt eos in sua amicitia conseruet. Ad vulnus pedis sinistri offer sacrificium

cium pro omnibus peccatoribus, vt Deus ipsos conuertat, & illuminet: pro pauperibus, infirmis, & quacumque afflictione oppressis, vt ipsos solari, & liberare dignetur; & tandem pro omnibus, pro quibus orare debes, & teneris, & finem impones huic oblationi per illa verba D. Augustini: *Commendo eos quos tu vis & scis, & velle me nosti.* Sic onustum (vt sic dicam) Christum omnibus petitionibus, & necessitatibus tuis æterno patri in hoc sacrificio offeres, dicens illa verba psalmistæ. *Protektor noster aspice Deus, & respice in faciem Christi tui.* Quo peracto prosequeris



queris actionem Missæ.

In secundo memento, Christum habes sacramentaliter præsentem iam gloriosum, & resuscitatum: cui te ipsum vnire conaberis intimo affectu, & intra latus ipsius temetipsum includes, vt ibi tutò requiescas, securus ab omni impugnatione inimicorum: ibi ex animo propones ipsius Christi beneplacitum, deinceps per omnia, & in omnibus operari, & conaberis dulcissimum illum Davidis affectum induere, cum diceret: *Quid enim mihi est in calo & à te quid volui super terram?* Tunc offeres sacrificium in particulari pro  
ani-

animabus defunctorum, & reliquum Missæ prosequeris.

## CAPVT XXXVIII.

*Exercitium post sacram Communionem.*

**P**rimo repræsentabis tibi ipsi Christum Dominum glorioso Angelorum, beatorumque spirituum ipsum adorantium cætu circumuallatum.

Deinde petes ab ipso gratiã, vt quoniam præter omnem meritum tuum dignatus sit sub te ctum tuum intrare, dignetur etiam virtutum omnium ipsi placentium supellectilem tibi con-

concedere, & radijs lucis cælestis animam tuam illustrare, sicut sanctum Simeonem illustravit, vt eodem modo Christum venerabiliter, & humiliter amplectens, possis cum illo sene dulciter dicere, Nunc dimittis, &c.

Considera illum, quem suscepisti, eundem esse Dominum Deum tuum, de quo ante communionem tam magnifica meditatus fuisti.

Gratias age ipsi pro immenso beneficio isto, quod seipsū tibi cōmunicare, & vnire voluerit: & suppliciter pete vt non trāseunter id faciat, sed vt tecum perseueranter maneat.

Con-

Considera teipsum, quàm indignus sis tanto hospite, quàm pauperem domum, quàm inornatam imò quàm immundam, quàm plenam strepitu passionum, & perturbationum Deo tuo exhibeas: & conare dolorem elicere pro offensis tuis, & verecundiam, ac pudorem pro neglectu, & immunditia animæ tuæ.

Pete tandem feruentissimo desiderio, vt ipse, qui est rex gloriæ, & fons totius puritatis, animam tuam suis ornet virtutibus, omnesque sordes tuas aqua cælestis gratiæ emundet, atque ita inseparabiliter teipsum sibi vniat, & coniungat,



gat, vt nulla res creata te ab ipso separet: ita firmiter cubiculum animæ tuæ claudat, & signaculo amoris sui obferet, vt ipse solus in eo semper quiescat, vt nullus vnquam alius hospes admittatur.

## CAPVT XXXIX.

*Examen quotidianum.*

**A**D conscientiæ tuæ munditiam conseruandam, omni die in ipsam descendere debes, omnes eius angulos diligenti examine discuriens, vt siquid ibi lateat sordidum, statim eliminetur.

Q

Mane

Mane igitur tria facies. Primo gratias ages Domino Deo pro omnibus beneficijs antea nocte receptis, & in speciali, quod te à morte subitanea, & ab insidijs diaboli liberauerit. Deinde offeres Domino ex toto corde tuo, omnia, quæ eo die cogitaturus, loquuturus aut acturus sis: & pete à beatissima virgine vt hanc tui ipsius, actionum-que tuarum oblationem purissimis manibus suis vnigenito filio suo vnà tecum præsentet. Tandem fiduciam ex diuina assistentia concipiens propone firmiter cum diuino auxilio, ne minimo quidem peccato

cato veniali Deum eodie of-  
fendere.

Noctu autem parum ante-  
quàm decumbas, examines te-  
ipsum quomodo huic propofi-  
to ftereris. Prius autem quàm  
ad examen ipsum venias, co-  
gites tibi Deum præsentem  
cui rationem diei exacti sis  
redditurus: & conare affectum  
pudoris & confusionis excita-  
re, sicut servus ante indulgen-  
tissimum Dominum: vel si-  
cut miles perfidiæ reus astaret  
coram Rege suo, à quo ex  
plebeja fortuna ad summum  
gradum nobilitatis fuerit eue-  
ctus: multò maiori pudore de-  
bes tu suffundi, considerans

teipsum aſtare coram Deo, cui  
tam negligenter inferuieris,  
quem tam audacter offende-  
ris.

Primum itaque gratias ages  
Domino Deo pro vniuerſis  
beneficijs acceptis ab inſtanti  
creationis, ac natiuitatis tuæ,  
ad illam uſque horam: ſpecia-  
liter pro beneficijs illo die ac-  
ceptis: Inuitabis omnes Ange-  
los, ac ſanctos Dei, omnes fi-  
deles, præcipuè beatiffimam  
virginem, vt te ad gratias di-  
gnè agendas adiuuent: & par-  
ticulatim beneficia recenſe,  
creationis, conſeruationis re-  
demptionis, vocationis ad fi-  
dem, remiſſionis tot, ac tanto-  
rum



rum peccatorum, & quod tot annos conuersionem tuam expectauerit, &c.

Secundo pete lucem, & gratiam cognoscendi defectus, negligentias, & peccata, quæ eo die commisisti, dolorem-que, & contritionem pro eisdem: quia enim tam multa sunt, sine diuina luce non possumus ipsa agnoscere, nec sine eius auxilio grauitatem, & enormitatem eorum dignè ponderare.

Tertio discurre per omnes horas diei, & examina diligenter, quid in qua uis cogitaueris, dixeris, feceris, vel omi-

Q 3

feris,

feris, vt ita aduertas, qua in re Dominum offenderis.

Quartò (quod præcipuum est in hoc examine) coneris summum dolorem excitare pro offensis commissis: ita vt ex animo magis tristeris, Deum offendisse, quam si quiduis, etiam molestissimum passus fuisset: Et procures vt dolor hic sit, non propter merum supplicij, sed propter reuerentiam Dei, propter summam æstimationem diuinæ maiestatis, & quia Deum super omnia amare, ac reuereri cupias, & deinceps amaturus, ac reueriturus sis.

Quin-

Quintò tandem pete veniam præteritorum, & propone firmiter emendationem futurorum, particulatim promitte, ac statue propter amorem ipsius, hanc, aut illam occasionem peccati evitare; hanc aut illam opportunitatem teipsum emendandi amplecti.

Quod si in examine isto inuenias, non ita multa fuisse errata tua, vt inde ad dolorẽ, aut pudorem mouearis: totum hoc acceptum feras diuinæ misericordiæ, non tuæ diligentia, aut virtuti: & reuoces ad memoriam antea actæ vitæ pec-

Q 4

cata

cata: & cogites aliorum in sæculo lapsus, quibus multo fædius, lapsus fuisses, nisi Deus te diuina gratia sua vltra omne meritum tuum, imo cum multis demeritis tuis præuenisset.

## CAPVT XXXX.

*Conclusio totius operis.*

**M**ulta essent adhuc dicenda, sed hæc impræsentiarum pro concessa mihi facultate dixisse sufficiat. Et sanè si tu hætenus dicta, memoria retinere, opereque comple-  
re



re studueris; non parum, sed multum satis, & didicisti, & laborasti.

Scias tamen ob intellectus tui imbecillitatem, & meam, qua in hoc scripto vti oportuit, breuitatem; tibi necessarium esse, vt omnia hactenus tradita, studiosissimè mediteris. Per diligentem enim meditationem, & continuam exercitationem, magnum robur spiritus tibi certo conciliabis, ad superandos, profligandosque cunctos hostes tuos.

Vnusquisque ergo apud se ipsum statuatur, se proposita hactenus arma in manus sumere, con-

contraque hostes suos strenuè,  
viriliter constanterque dimi-  
care velle. Pugna enim hæc  
eiusmodi est, vt nullus homi-  
num eam possit subterfugere,  
sed singulis quibusque omni-  
nò pugnandum sit. Qui enim  
non pugnat, hic perpetuo vi-  
ctus, mortuusque iacebit, qui-  
cumque fuerit.

Sed nec vlla spes est Pacis,  
quamdiu nobis cum his ho-  
stibus negotia sunt; & qui-  
dem omnium maximè nocent  
his, qui cum eis pacificè vi-  
uere, & quasdam velut indu-  
cias pacisci voluerint. Tu er-  
go eos, quantumlibet poten-  
tes,

tes, & truculenti fuerint, ne timeas: quia omnis eorum potentia, ac impetus, est in manibus supremi Ducis militiæ Christi Domini nostri, propter quem tu pugnam hanc subiisti. Ob idque nemo in hac pugna superatur, nisi sponte sua voluerit.

Nec te terreat, aut pusillanimum reddat, quod Dominus Deus tuus propter quem pugnam hanc ingressus es, suum auxilium ad vincendum hostem, nonnumquam diutius differat. Certissimè enim tibi persuadere debes, ipsum Deum, ob summam bonitatè, & omnipotentiam suam, omnia,

nia, quæ nobis suis militibus in quibuscumque rebus, negotijsque eueniunt, præsertim incommoda, aduersaque in nostram vtilitatem dirigere, & vt in optatissimum finem exeant, benignè prouidere.

Hæc meditatio generabit in te cor excelsum, ac constans ad pugnandum. Proindeque etiam si victoria, nonnumquam sequatur tardius, aut diutius differatur: credas firmiter id propterea fieri, vt latens infra te superbia excludatur, vtque humilis fias, ac maneat: Vel vt in virtutibus continuè magis, magisque proficias.



cias, & miles tandem exerci-  
tatus reddaris. Nam per va-  
rias, continuasque pugnas ho-  
mo exercetur, multumq; pro-  
ficit in arte pugnandi: aut sal-  
tem obtinet aliud quoddam  
bonum, quod Deus in utilita-  
tem eius benignè, sapienterq;  
aliquandiu occultat.

Propterea, dilecte fili, ala-  
cri, & heroico animo ingrede-  
re hanc pugnam; ne sis ingra-  
tus Domino Deo tuo, qui tan-  
topere dilexit te, vt seipsum  
propter te, in mortem tradi-  
derit. Et attende diligenter ad  
omnem voluntatem, omniaq;  
mandata ipsius, vt & omnes  
ad vnum hostes tuos penitus  
R extirpes,

extirpes , atque profliges.  
Quamdiu enim vnicum ex  
ipsis viuere fines , erit tibi fe-  
stuca in oculo, & in latere lan-  
cea , quæ te à gloriosa victoria  
semper impediunt.

**F I N I S.**



INDEX  
CAPITVM  
HVIVS OPERIS.

**Q**VIBVS in rebus perfectio  
Christiana consistat : & de  
quatuor ad eam obtinendam  
necessarijs. Cap. I. pag. 3.

De diffidentia sui ipsius. Cap. 2. p. 19.

De confidentia in Deo. Cap. 3. p. 24.

De exercitatione : & primum de in-  
tellectu : & quomodo ab ignorantia & cu-  
riositate custodiendus sit. Cap. 4. p. 34.

De voluntate : deq; sine in quem om-  
nes actiones nostras debemus dirigere.  
Cap. 5. pag. 47.

De duplici voluntate in homine : &

R 2

earum

## INDEX.

*earum continua inter se pugna.* Cap. 6.  
pag. 56.

*De pugna contra affectus sensualitatis: deq; interiori exercitatione voluntatis ad comparandas virtutes.* Cap. 7. p. 63.

*Quid faciat, cui videbitur superior voluntas sua seu ratio, ab inferiori voluntate seu sensualitate, iam denicta, eademq; omnino subiecta.* Cap. 8. p. 76.

*De occasione pugna non fugienda.* Cap. 9. pag. 85.

*De pugna aduersus subitas tentationes, passionesq;.* Cap. 10. p. 91.

*De pugna contra carnem nostram eiusque praua desideria.* Cap. 11. p. 96.

*De pugna contra acediam, negligentiam, pigritiam.* Cap. 12. p. 109.

*Quomodo sensualitatem suam homo regere debeat.* Cap. 13. p. 112.

*De ordine pugnandi cum hostibus nostris.* Cap. 14. p. 120.

*Quid faciendum illi qui ab hostibus denictus, grauitaq; est laesus.* C. 15. p. 122.

*Quod*



## INDEX.

*Quod spiritualis homo semper debeat habere cor quietum ac latum in Domino.*

Cap. 16. p. 128.

*Quod diabolus hominem saepe per pia proposita decipiat, & à profectu virtutum impediatur.*

Cap. 17. p. 134.

*Quibus dolis diabolus nos à virtutum studijs abducere molitur.*

Cap. 18. p. 139.

*Quomodo aduersarius noster insidiosè molitur, ut virtutes nostra acquisita, nobis occasio sint ad ruinam.*

Cap. 19. pag. 147.

*Et in pugna spirituali numquam nobis blandiamur de hostibus deuictis: sed solitas nostras exercitationes subinde iteremus, velut adhuc essemus tyrones in hac spirituali palestra.*

Cap. 20. p. 155.

*De sancta Oratione.*

Cap. 21. p. 157.

*Quid oratio interior, quæ & contemplatio sit: & quis eius usus.*

Cap. 22. pag. 162.

*Quatenus homo orationi interiori contemplatione adiungere possit.*

C. 23 p. 167.

## INDEX.

*De quodam alio modo orandi per meditationes. Cap. 24. p. 171.*

*De modo orandi per intercessionem B. Mariae Virginis. Cap. 25. p. 174.*

*Quomodo orandum ac meditandum sit per Angelos, ceterosque beatos in calis. Cap. 26. p. 181.*

*Quomodo sanctam crucem, & Christum Dominum in ea affixum pendentem meditari debeamus: ut bonos affectus ac motus in nobis excitare, vel à Deo consequi possimus. Cap. 27. p. 185.*

*De sensibili deuotione, & contraria ariditate ac derelictione fidelis animae. Cap. 28. p. 198.*

*Quod ad extirpandos prauos affectus non sit efficacior medicina, quam digna sumptio S. Sacramenti Eucharistiae. Cap. 29. p. 210.*

*Quomodo per eiusdē S. Sacramenti Eucharistiae sumptionem affectum amoris in nobis excitare possimus. Cap. 30. p. 218.*


*De spiritali Cōmunionē. C. 31. p. 231.*  
De


## INDEX.


- De gratiarum actione.* Cap. 32. p. 234.  
*De perfecta sui ipsius oblatione.* Cap.  
33. p. 237.  
*De petitione gratia.* Cap. 34. p. 245.  
*Pro modo deuotè meditandi quadam  
annotatiuncula.* Cap. 35. p. 255.  
*Exercitium ante sacrā Communionem.*  
Cap. 36. p. 260.  
*Modus deuotè offerendi sacrificium  
Missæ.* Cap. 37. p. 264.  
*Exercitium post sacrā Communionem.*  
Cap. 38. p. 274.  
*Examen quotidianum.* Cap. 39. p. 277.  
*Conclusio totius operis.* Cap. 40.  
pag. 284.
















Biblioteka Jagiellońska



stdr0028504

